



सानसेयारि 'बड'सा' खरीरालाइयाव समाजयारि जिउजो लोख्बा थाबाय रायथाय, बरन्थाय, बल, बल'बाथा आरु दावबायारि थावनि, पार्क बाइदिबि स्यायाव लिन्नाय लिन्बिबां दैथाय ठर। सानसेयारि 'बड'सा' खरीरालाइया सेबरानाबै फोखावगोन।
बड'स्यायाव लिन्ठरनायनि दुबा खालाम, 'बड'सा' खरी नौथां, जो बयबो आंगो खालाम।

सानसेयारि बड'सा मावखुलि
माइव नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 11 August, 2024 Kokrajhar, BTC, Assam ★ Vol.- 34, Issue No.137 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

पुलिसआ हा जावनाने रां आरो फेग्रा मुवा बोखांदों

नगाव, 10 आगस्ट: रइज्योआव मुवा बेसादिन हेंथायै गोखों नायबिजिरसं नाय हाबाफारि सोलिंगासिनो। बे हाबाफारिने गेजेरववो नगावनि हेरापडिआव पुलिसआ गोबां बिबानि ड्रामस बोखांनो हायो। नाथाय बे हाबाफारिया ड्रामसआवल'जोबानाने थाडाखे। बे हाबाफारियाववो खास्त्रि जावनायाव जिबौ ओंखारनाय (□ 5 बिलाइआव)

बरपेटा रडआव दुलाराय बर' फरायसा आफादआ सोलौंथायारि सांग्रांथि मेल खुंदों

भबानिपुर, 10 आगस्ट: बरपेटारड आन्सलिक एबसुनि बान्जायनायाव दिने बरपेटारड साहित्य सभा भवनआव सानसेनि हाबाफारिजों फरायसाफोरनि थाखाय सोलौंथायारि सांग्रांथि हाबाफारि खुंफुंनाय जायो। सानसुनि 11:00 रिगानिफ्राय बरपेटारड आन्सलिक एबसुनि आफादगिरि जन बड'सानि



मासि सामलायनायाव खुंफुंनाय सोलौंथायारि सांग्रांथियारि मेलखों बरपेटारड जिएलसि फरायसालिमानि फोरोंगिरि मायकन बसुमतारिआ बेखेवनाने होयो। बर' समाजआव बर' माहारिनि फरायसाफोरखों सोलौंथाय होनाने सुबुं सम्फद महरै सोरजनायनि सायाव गुवारि बेखेवनाने सांग्रांथि मेलआव गाहाइ आसालि महरै मिरु एबसुनि लोगो आफादगिरि खोरमदाव औवारिआ बिबुंथि (□ 5 बिलाइआव)

बागानपारा इउएन एकाडेमिया आरिमु आरो बिगियान दिन्थिफुंनाय हाबाफारि बान्जायदों



मुसलपुर, 10 आगस्ट: फरायसाफोरखों गोगो आरो गुण गोनं सोलौंथाइ होनाने थिंखिजों आरिमु आरो बिगियान दिन्थिफुंनाय हाबाफारि बान्जायदों बागानपारा इउएन एकाडेमि फरायसालिया। बाक्सा जिल्लानि बेन्दोंआव थानाय इउएन एकाडेमि बागानपारा फरायसालिनि फरायसाफोरा गोनोखो (□ 5 बिलाइआव)

उदालगुरि जौमा फरायसालिनि फरायसा गौथुमनि बिसाइख 'थिया खुंफुंजाबाय

गाहाइ नेहाथारिनि मासियाव एबसुनि मदतजों देरहासात जाबाय थेमफु दैमारिया

बड'सा थान्दै/उदालगुरि, 10 आगस्ट: सोलिफु इराजि बोसोर 2024 - 25 माइथायनि थाखाय गोदाने उदालगुरि जिल्लानि सिडव थानाय उदालगुरि जौमा फरायसालिनि फरायसा गौथुमनि बिसाइख 'थिया दिने सानसेनि (□ 5 बिलाइआव)



बांग्लादेशनि गुबुन गुबुन आफादफोरा शेख हासिना आरो बिनानावखों हमनो थाखाय भारत सरकारखों खावलायदों

गोदान दिल्ली, 10 आगस्ट: बांग्लादेशनि हिंसायारि थासारिया दासिमबो सुगलायनाने फैयाखे। साखाथिनि हादतआ दिनेसिमबो गोजोन थासारियाव फै नो रोहाखे। हादतनि बेबादि थासारिनि गेजेराववो शेख हासिनाया 5 आगस्टआव बिबान एंगलायनाने भारतआव फैदोंमोन।



बांग्लादेशनि बारग' गाहाइ मन्थिखों गोदान दिल्लीआ थाथ' होनायखों लानाने बांग्लादेशनि गोबां दोलो, आफाद, फसंथानफोरा खुद्रिखांदों। बारग' गाहाइ मन्थि शेख हासिना आरो बिनि (□ 5 बिलाइआव)

गसाइगाव ओन्सोलनि बयजोंबो मिबथिजानाय समाज सिबियारि आरो जाफुंसार फालांगिरि मारजित बसुमतारिआ रुंसारि जाबाय

गसाइगाव, 10 आगस्ट: कक्राझार जिल्लानि गसाइगाव महकु मानि सिडव थानाय जारागुरि ओन्सोलनि सासे मुंदांखा बयजोंबो मिबथिजाग्रा समाज सिबियारि आरो जाफुंसार फालांगिरि मारजित बसुमतारिआ प्रेसार स्ट्रक जानाने अबथिय रुंसारि जाबाय। मिबथिनो मोन्नाय बायदिब्ला, थानाय रबिबारखालि मारजित बसुमतारिआ हखबावै प्रेसार स्ट्रक जानायनि जाहोनाव बिथांखों



सोनाब बंग राइज्योनि सिलिगुरियाव थानाय गंसे गावारि देहा फाहामसालियाव फाहामथाय होनो थाखाय थिसनहेंदोंमोन। नाथाय दुखुनांथाव बाथादि, देहा फाहामसालियाव फाहामथाय (□ 5 बिलाइआव)

धुबुरी पुलिसआ फोरमानलाइ गैयालासेनो भारतआव हाबफेनाय साने बांग्लादेशिखों हमदों

धुबुरी, 10 आगस्ट: साखाथिनि हादत बांग्लादेशआव सोमजिनया गोजोन गैये थासारिनि समावनो मोनसे सोमोनांथाव खौराड सोराडाव फैदों। मिबथिनो मोन्नाय बायदिब्ला, धुबुरी (□ 5 बिलाइआव)

15 आगस्टनि सिगां बिटिआर गोरोबथानि 6.3 दफा बादियै सरकारि नडै फरायसालिफोरखों सरकारि खालामनो दाबि

कक्राझार, 10 आगस्ट: बिटिआर गोजोन गोरोबथा खालामग्राफोरा गावसोरनो खुंथाइनि बिबानआव थानाय समावनो गोरोबथानि दफाफोरखों मावफुं लांनो हायाब्ला माब्ला सोर मावफुंवावगोन? बे सोंथिखों सोंदों दुलाराय बिटिआर सरकारि नडै फरायसालि खोंसेथि आफादनि गाहाइ बिबानगिरि जगत रायआ दिने कक्राझार प्रेस क्लाबआव मोनसे खौरांगिरि



मेल सामलायनाने गाहाइ बिबानगिरि जगत रायआ बिटिआर गोजोन गोरोबथानि (□ 5 बिलाइआव)

वाइबिवाइनि मास्टार माइन्ड अनिराम बर'आ कौटि-कौटि रां लुथिना खारखुमानाने दड



तेजपुर, 10 आगस्ट: वाइबिवाइ मुंनि मोनसे ट्रेडिं एफआ राइज्यो नाडेनो कौटि-कौटि रां लुथिनायनि गोखों अजद दिखंदों। बे ट्रेडिं एफआ बावैसो सान सिगां बाहायगिरिफोरखों थगायनाने राम (□ 5 बिलाइआव)

22 नं ककलाबारि बियाबआव गोदाने लुफुंनाय भिसिडिसि मावखुलि बेखेवदों

सिमला, 10 आगस्ट: बाक्सा जिल्लानि 22 नं ककलाबारि बियाबनि सिडव थानाय खामारदैसा भिसिडिसिआव गोदाने लुफुंनाय भिसिडिसि भवन आरो बेनिनो बाउन्डारि वालखों दिने बेखेवबाय। गोदाने (□ 5 बिलाइआव)

कक्राझार थाना सेरनि शिब मन्दिरआव सिखाव हावदों



कक्राझार, 10 आगस्ट: फिसा-फिसौ लामा एबा गुद हाग्रा ओन्सोलबो नड, कक्राझार सदर थानानि लांगोनानिफ्रायनो सिखावआ खालि मन्दिर आरो (□ 5 बिलाइआव)

NERIM GROUP OF INSTITUTIONS
Affiliated to Dibrugarh University, Gauhati University & ASTU
Approved by NCTE, BCI & AICTE, MoE, Govt. of India

ADMISSION NOTICE 2024-25

Applications are invited from students for admission into

M.Com (2 Year)
Admission shall take place on first-come-first-serve basis from the Provisional Integrated Merit List of Gauhati University.
Call: 9101471942 / 8638225132 / 8638952788 / 9954190758

MA(Education) (2 Year)
Call: 9435195989 / 97064006696 / 9435360863 / 9954155517

Admissions also open for the following Under Graduate and Post Graduate programmes for the Academic Session 2024-25.

MA (App. Psy.)

BBA	BCA	B.Com(H)
BA,LL.B(H)	BSW	LL.B(H)
5-year integrated	MCA	BA(Psychology)
MBA (F/T & P/T)	PGDM	B.Ed
MSW		
M.Sc. (Computer Sci.)		

Special Feature....

- Assured Placement Assistance
- Complimentary Laptops to MBA, MCA & PGDM students
- All Classrooms are Air Conditioned / Smart Classrooms and Computing Labs
- Free Corporate Suit and Course Pack to all the students
- Enriched Library with e-Library facilities
- Complimentary Diploma in Computer Applications (DCA)
- Educational Loan Assistance
- Wi-Fi enabled campus
- Hostel facility for Girls (in campus) & Boys
- Health care arrangements and Accidental Medical Assistance.

Prof. (Dr) Sangeeta Tripathi, Director, NERIM Group of Institutions
Padma Nath Sarmah Bhawan, Jayanagar, Khanapara, Guwahati - 781022
Call : 9954190758 / 9954051419
www.nerimindia.org | nerimindia@gmail.com

आसाम सरकार

नख'र नख'र

फिरफिला

9-15 आगस्ट, 2024

फै, गाव गावनि न'आव माहारिनि फिरफिला बिरहोनाने उदांस्त्रि साननि गोथार समाव हादर अनफावरिनि बिदिन्थि होनि।

माहारियारि फिरफिलाजों सेलिफ आपलड खालाम
harghartiranga.com

फोरमायथाय आरो सुबुं फोनांजाब बिथोनगिरिख', आसामजों फोसाव जानाय

Connect with us @diprassam | dipr.assam.gov.in

सुजुगिरिनि खोलोम

थामोन्थानि दावहा

जायखि-जाया हारिनि फासैं गावबा गावनि

ओन्सोलावनो थानानै थानायनि थामोन्थाना गोमालानो नागिरोब्ला बेनि थागिब लुबुंफोरनि गोसो सिडव इयुनिन समाव माबादि थासारिजों मोगा-मोगि जाहैनगोन बेखौ सानानै गिखानाय, गाज्रि मोन्नाय आरो खुद्रिखानाय सौफैनाया जाथावै जाथाय नड। थामोन्था खोमानानो गिनायनि थाखायनो मुलुगनि दाब दाब ओन्सोल आरो हादतफोरव सम सम सुबुं जांखिखानायखौ जों नुनो मोन्नाय जायो। जौनि हादतनि दाब दाब ओन्सोलफोरवबो सम सम गावबा गाव हारिनि थामोन्थायाव अलखद फैनयनि लामा लायोब्ला बेनि हेंथायै बाश्रा बुंनय, सोमावसारनाय, खुद्रिखानाय बादि थासारि सौफैनाय नुनो मोन्नाय जायो। मोनफ्रोमबो हारियानो गावबा गाव हारिनि थामोन्थानि फासैं खैफोद फैनयखौ लुबैया, अरायसम हारिनि थामोन्थाया गोजोर आरो रैखाथियै थानायखौनो बयबो हारियानो हास्थायो। नुनो मोन्नाय जादों मोनसे समनि मुलुगनि गोहो गोरसिन आरो मुलुगनाडैनो फामु गायसन्नानै गोसो बादिहै हादत खुंनय गुफुरसाफोरनि हादतआव दासान्दि थामोन्थायाव खैफोद फैनयनि बाश्रा ओंखारदों आरो बेनि हेंथायै लामायव ओंखार बोदों गुफुरसाफोर। थारैनो थामोन्थानि फासैं खैफोद सौफैनाय मोन्दाथियोब्ला सोबख' जानाय, नासय जानाय फिसा फिसा हारिफोरल' बेनि हेंथायै गसड, गोख्रों, गोहो-गोरा हारिफोरनावबो गिनाय सौफैयो, बेनि बिदिन्थिखौ दासान्दि गुफुरसाफोरनि हादत ग्रेट ब्रिटेनआवबो नुनो मोन्नाय जादों। थामोन्था गोमाजानो गिनाय आरो थामोन्थायाव खैफोद लाबोग्राफोरनि गेजेराव सोमजिनया दाड-बाजिखौ होवथानो पुलिस हाज्जा थिसन्नो गोनां जादों। थासारिया सामलायनो हायैबादिबो नुजादों गोबांथार सहरफोरव। गुफुरसा आरो आश्रय लानानै थाहैनाय मुसलिम धोरोरमारिफोरनि गेजेराव गला-न'-बां लुट खालामनाय, गारि-मथर सावनाय, बुलाय-सोलाय जाथायजों अर जौब्लावदों ब्रिटेननि गोबां सहरफोर।

नोजोर होथावनादि-ब्रिटेननि मोनसे ओन्सोलाव साथाम गुफुरसा उन्दै बैसोनि हिन्जावसाफोरखौ बुथारनायनि उननिफ्रायनो हिंसा जाथाया जागयनानै दासिम लानिन्थयैनो सोलिगासिनो थानायखौ खोंरं बिजों आरो समाजआरि बिजोंफोरव नुनो मोन्नाय जायो। दासिम ब्रैजौनि बासिन हिंसा जाथायाव लोब्ला थानाय सुबुंफोरखौ हमबाय। गुफुरसाफोरनि अजद लाबोनाय बादिहै आश्रय लानानै थाफैनाय मुसलिमफोरनि थाखायनो क्राइम ग्राफआ गोजौ फासैं दावखोबाय थादों। बेफोर अजद आरो जाहोनखौ लानानैनो गुफुरसाफोर हादतनिफ्राय बिसेरखौ हुनहरनो दाबिदों। बेरफासैं बिसेरनि दाबिखौ आश्रय लाफैनाय मुसलिमफोर आरो माखासे गुफुरसा सुबुंफोर हेंथा खालामनायावनो दाड-बाजिन अर जौंखानै थासारिया सामलायनो हानायनि बाइजोयाव थानायसिम जानो मोन्दों। जायगा जायगा बिबायनाय खौरंखौ लानानै खुद्रिखानाया दुहावसिन जानानै हटेल, गला आरो मथर-गारिफोरव अर सावनाय जाथायबो सोमजिदों। ब्रिटेनआव थानाय 13 बोसोरनि गेजेराव सोलिफु जाथायनि थासारिया सिगांफोरनिखुड गिथावनासिन होनानै बुंनय जादों आरो बेनि बोसोनाय लाबोनाया हादतनि गोदान गाहाइ मन्थिनि थाखाय मोनसे गिदिर जेंसि महरै नुजाथिदों।

दिनैनि फान्जामुथि

राशि बाइदियै मुंनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** बे राशिनि बेराम सुबुडा सांग्राडै बोसोन माननिनांगोन। जैरे दड बेबायदिनो थानो हागौ।
- वृष:** नख 'रनि साप्रोमजोंबो अनलानयानै थानो हागोन। गोजोनै सम बारहोनो हागोन। मोजां सान।
- मिथुन:** मानिबा जेंनानि थाखाय गावनांनो हागौ। गोसोआव दुखु मोनगोन। गोसोखौ हमथा।
- कर्कट:** माबाफोर गाज्रि जाथाइफ्राव गोल्बैबायनो हागौ। जैरेबो सांग्रा जानानै थानांगोन।
- सिंह:** माबा मोनसे मु'वा-बेसाद खहा जानो हागौ। गोसोखौ शान्ति मोन्नाय नड। गोसोखौ हमथा।
- कन्या:** जेखियानो मावा फालांगियाव मुलाम्फा मोन्नो हागोन। मोजां सान।
- तुला:** देहायाव बोरैबाफोर दुखु मोन्नो हागौ। जेखि मावा सांग्राडै मावनांगोन।
- बृश्चिक:** हजम जायै जाग्राफोरखौ जानो नाड। बेरामआव गोल्बैनो हागौ। गोसोखौ हमथा।
- धनु:** जेखि मावा बेफार फालांगिरिनि थाखाय मोजां सम। मुलाम्फा आरजिनानै लानो हागोन।
- मकर:** माबाफोर मोजां खोंरं खोनानो मोन्नो हागौ। गोसोखौ गोजोन मोनगोन। मोजां सान।
- कुम्भ:** जेखियानो जाया न'नि मोजां हाबा मावनानै लानो हागोन। बे राशिनि थाखाय शुभ दिन।
- मीन:** सुधुर थानायफोर जोबस्त्रालानो हागौ। गोजोनै थानो हागोन। मोजां सान।

ट्रेजिडिनि थाखो रान्नाय

गुबै लिरगिरि: डू शैलेन भराली
राव दानस्लायगिरि: अनिल कुमार ब्रम्ह

एरिष्ट'एलआ ट्रेजेडिखौ मोनब्रे थाखोयाव रनदोंमोन-जेथो (Complex), दिखारनां गाहाइ (Pathatic), बोसोनथियारि (Ethical) आरो गोरलै (Simple)। जाय ट्रेजेडिनि सल' दानायाव गोमोथावारि जाथाय मोन्नाय जायो आरो आबहावाखौ उल्था-फाल्थां जानाय नुनो मोन्नाय जायो बेखौ जेथो; जाय ट्रेजेडिया भाब-आबेग सोमजिहोनानयनि सायाव गोनांथि होयो बेखौ दिखारनां गाहाइ ; जाय ट्रेजेडिनि थांखिया माबा बोसोनथियारि सोलेंथाइ होनाय एवा खांथिबद फसंनय बेखौ बोसोनथियारि आरो जाय ट्रेजेडिनि जाथाया जेथोनिफ्राय उदं एवा जाय ट्रेजेडिया मबेबा मोनसे जुनिया थांखिखौ लानानै लिरनाय नड, बेखौ गोरलै ट्रेजेडि बिमुं होनाय जादों। बेफोरनि मादाव जेथो ट्रेजेडिखौनो एरिष्ट'एलआ थार (perfect) ट्रेजेडि होनाय बुंदों। बेनिफ्रायनो बुजिनो हायो, एरिष्ट'एलआ ट्रेजेडिनि जाथायनि सायाव बांसिन गोनांथि होदोंमोन। बबेखानि, सल'आनो ट्रेजेडिनि जिउ होननानै एरिष्ट'एलआ सिगाडवनो बुंलांखादों। नाथाय एरिष्ट'एलआ बे थाखौनि ट्रेजेडिनि जाय बुंफुरलु बिजिरना होलादों बेव गोदान मुगानि मेल'झामा लोखोन बेरखानाय बादि जेन मोनो। मानोना, आथिखालाव मेल'झामा बुंलासो सोमोथाव जाथाय बुंफुबनारनि खोथा जौनि गोसोआव फैयो। गुबुन मोनसे जाहोनानबो एरिष्ट'एलआ बे थाखो रान्नाया आथिखाल मुगायाव गनायथाव नड। ट्रेजेडिनि बिदैनै बेलायाव बुंभोनाय जादोंदि, ट्रेजेडिया जाय बिदे जगायो, बेयो दाहा बिदैं (paths) नड। गुबुन मोनबो मुं गैया जासे जों बेखौ ट्रेजिक बिदे होनानै बुंदों। ट्रेजेडियाव दाहा बिदे थानो हागौ; मानोना दाहा बिदैं ट्रेजेडिखौ सोरजिनो हाया। बेखायनो एरिष्ट'एलआ दिखारनां गाहाइ ट्रेजेडि होना जि थाखो रान्नाय खालामनाय गोदान नोजोरजों बिजिरोब्ला मोनो बेव थार ट्रेजेडिनि लोखोनआ बेखाडाखे।

जिडाइन जौथाइयाव भलटेमारा ट्रेजेडिखौ मोननै थाखोयाव रनदोंमोन। बिनि मथे- ट्रेजेडिनि गासै जाथाया मोननै खोथानि सायाव गाइसनजानाय; हारिनि स्वार्थ आरो ब्याक्लिनि स्वार्थ। बे फारसेनिफ्राय ट्रेजेडिखौ जारिमिनारि ट्रेजेडि आरो फोलेरारि ट्रेजेडि- बे मोननै थाखोयाव रननो हायो। जिगु जौथाइयाव बिजिरगिरिफोर ट्रेजेडिनि मोननै बाहागो मानिना लादोंमोन-क्लासिकल ट्रेजेडि आरो रमान्कि ट्रेजेडि। क्लासिकल ट्रेजेडिनि बिदिन्थि हिंसाबै सेक्सपीयेरनि ट्रेजेडिथिं आसि थुदोंमोन। 20 जौथाइयावबो ट्रेजेडिनि बे बाहागोखौ गोबांसिन अन्जमानि सुबुंफ्रानो सिमान जादों आरो चि. इ. भननि बिजाबआव (टइपछ अफ ट्रेजिक झामा) बेखौ मोजाडैनो फसंनय जादों। भननि मथे-ट्रेजेडिनि गाहाइ बाहागोया मोननै - क्लासिकल आरो रमान्कि। गुबुन गासैबो थाखौनि ट्रेजेडि बिदिन्थि हिंसाबै रिभेन्ज ट्रेजेडि, गोदान क्लासिकल ट्रेजेडि बायदि बे मोननै थाखौनि बिथायवनो लिरजानाय। बेखायनो, बेफोरखौ गाहाइ बिथुन मोननै दलाय होना बुंनो हायो। बबेखानि इबछेन आरो बिनि उनाव लिरजानाय फावथाइफोरखौ बे मोननै बिथुननि मबेबा मोनसेयाव थि रोखोमै खोखनैनो हायाब्लाबो भनआ बेफोरखौ बास्तववादी (मोगथांवादि) ट्रेजेडि हिंसाबै रमान्कि ट्रेजेडिनि गुबुन मोनसे दालायाव थिसन्दों। आयदा-बेसाद आरो आरिमु-आदब मोनैयावबो बेफोर फावथाइफोर माखायसे जुनिया आखुथाइ दिन्थिफुदों। आगोलनि रजा-महाराजानि जायगाखौ आवग्रिनानै सादा-बुसा मानसिफोर आरो माहारियारि जिउआव सोमजिनय जेनाफोर फावथाइनि आयदा-बेसाद हिंसाबै दिखं जानायसै। रमान्कि फावथाइनि सल'लिं, रेजें नुथाइफोरखौ फावथाइनिफ्राय फ्राय एंगारनाय जादों आरो गोदान बिजिरगिरिफोर मोगथाडरि नडैं (अबास्तव) होनानै मत होनाय गाव बुंथिनय (soliloquy), उन बुंथिनय बायदिखौ बेफोर फावथाइफ्राव गारनाय जादों। नांथारै आखु आरो बुंथिनया जाहाथे फावथाइखौ आउल नांहाया बेनि फारसे फावथाइगिरिफोर सांग्रां जादों। बा अंक'नि सोलाय थाम अंक'आव फावथाइनि जोबथाइ लाबोदों आरो नुथाइ

आइरिनि डखर, डू तन्वी मराकआ मिस ग्रेन्ड इन्डिया 2024 आव राइज्योखौ दैदेनगोन



शिलं, 10 आगस्ट : मेघालय युथ टुरिज्म डेभलपेन्ट ससाइटि आरो मिस मेघालय अर्गनाइजेसनआ 9 आगस्टआव फोसावोदि, आइरिनि डखर आरो डक्ष तन्वी मराकआ मिस ग्रेन्ड इन्डिया 2024 आव बाहागो लागोन। आइरिनि डखर आगुनि मिस नर्थइस्ट मिस मेघालय आरो फेमिना मिस इन्डिया मेघालय आरो डू तन्वी मराकआ आगुनि मिस मेघालय, मिस सर्नाल्सिक नर्थ इस्ट आरो फेमिनाआ मिस इन्डिया मेघालय जाखांबाय। ग्लेमानन्द एन्टरटेन्मेन्टनि गेजेरजों खुंनया गाहाइ मिस ग्रेन्ड इन्डियाआ गाहाइ बादायनायनि गेजेराव मोनसे, जायखौ हादतनि मोन 3 देरिसिन बादायनायफोरनि गेजेराव मोनसे महरै गनायना लानाय जायो। बेनि ग्रेन्ड फिनालेखौ 11 आगस्टआव जि स्टुडिय', जयपुर, राजस्तानआव खुंनया जागोन। बेनि सिगां मेघालयनि बाहुन नंग्रमआ 3 आगस्टआव लारिंति माल्टीपरपेज हलआव मुंदांका मिस इन्डिनार्स मेघालय 2024 नि ताजखौ देहादोंमोन। बेयाव चेवालरी लार्दां आरो दिल्ली खारथमआ गिबि आरो थामथि जायगा आवग्रिनो हादों। बै सानाव मिका दकारनो मिस टिन मेघालय 2024 नि ताजखौ गानहोनाय जायो, जेराव पालेइ चिने आरो निकिता नंग्रमआ गिबि आरो थामथि देहासागरिगिरि जानो हायो। अदेबानि डखरआ जयपुर, राजस्तानआव मिस टिन टिवायाव मेघालयखौ दैदेनगोन।

बिसानखौ जेसे हागौ खमायनाय जादों। मबेबा मबेबा फावथाइयाव नुथाइ बाहागो खालामाबाला थोंगोरै अंक'-बाहागोआवनो फावथाइखौ बेथाना लारिनाय आरो मबेबा मबेबा फावथायाव नुथाइ बाहागोया अंक'बाहागोनि जायगा आवग्रिनय नुनो मोन्दों। मोगथां धोरोरमारि आरो हमथानाय (संयम) बायदिहै बेफोर फावथाइनि गाहाइ आखुथाइ। गोजाम क्लासिकल ट्रेजेडिनि खुल गैयै रुप मोन्नाय जायो ग्रिक फावथाइफोरव। ग्रिक ट्रेजेडि लिरगिरिफोरनि मादाव एस्किलाछ, छफ'क्लिछ आरो इडरिपिदिछनि मुंआ बांसिन मख'जाथाव। रमान्कि ट्रेजेडिनि रुप मोन्नाय जायो एलिजाबेद- 2 थि मुगानि फावथाइफोरव आरो गाहायै सेक्सपीयेरनि फावथाइफ्राव। नाथाय मोनथिनानै लानाया गाहामदि, बे मोननै थाखोया थारला उल्था धोरोरमारि एवा गावजों गाव बेरेखा नड। थामहिनबा रमान्कि ट्रेजेडियावबो क्लासिकल ट्रेजेडिनि आखुथाइ आरो क्लासिकल ट्रेजेडियावबो रमान्कि ट्रेजेडिनि आखुथाइ थानो हागौ आरो फ्राय थानायखौ नुनो मोनो। मोननै रोखोमनि मादाव सरासन्नायै मख'नाय फारखआ जादों- क्लासिकल ट्रेजेडियाव गासैबो खोथाखौ जोबोद हमथानाय (संयम) रोखोमै लारिनाय जायो आरो बिजाउनआव सल'नि दाफुनाया खों खों। बेव मावथाइनि गोहोमथिया एसेल' थायो। मानोना मबेबा गिनो गोनां एवा मोदोमनि खोमोन मावखालायनाय जाथायखौ साइनायाव (मन्च) दिन्थिफुनाय जाया। फारसेथिडे, रमान्कि ट्रेजेडिया जादों मावथाइ गाहाइ। मानोना, बेव गासैबो जाथाइफोरखौ साइनायाव गेवलाडै दिन्थिनय जायो आरो सल'लिं, रेजें नुथाइ बायदि सरजाबदेरनायनि थाखाय बेव सल'नि दाफुनाया गोबां ज'खायै गुरुं। क्लासिकल ट्रेजेडियाव थावनि, सम आरो जाथाइनि खौसेथिखौ मानिना सोलिदोंमोन। रमान्कि ट्रेजेडियाव थावनि-समनि खौसेथिखौ गोनांथि होयाखिसै। जाथायनि खौसेथिखौ रमान्कि फावथाइगिरिफोर लारिनायसै गुबुन रोखोमै। क्लासिकल फावथाइगिरिफोरनि बादिहै नड। जाथायनि खौसेथि माने रमान्कि फावथाइगिरिफोर फावथाइनि गुबै जाथायखौ आलादा जायैखौनो बुजायदों। थामहिनबा फावथाइयाव गुबुन गासैबो जाथायखौ सरजाबब्लाबो गुबै जाथायनिफ्राय जुदि नायग्राफोरनि गोसोआ आन्नायलाड होमब्ला जाथायनि खौसेथिखौ बजाय लारिनाय जायो। गोदान गांफा-गांनै क्लासिकल फावथाइनि मोन्थाम खौसेथिखौ मानिना सोलिनाय नुनो मोनो। बेनि सायाव क्लासिकल ट्रेजेडियाव गाहाइ गोनांथिखौ होनाय जादोंमोन सल'आव आरो सल'खौनो फावथाइनि सोलेर (आत्मा) होनानै सान्नाय जादोंमोन। रमान्कि ट्रेजेडियाव बे गोनांथिखौ सल'निफ्राय आखुआव सोलायनाय जाबाय। गोजाम ग्रिक फावथायाव मोनसे मख'जाथाव फाव लादोंमोन क'राछा (chorus)। एरिष्ट'एलआ मख'नाय ट्रेजेडिनि मोन 6 दाथायनि मादाव देंखोमु एवा क'राछाबो मोनसे। क'राछनि गाहाइ हाबाया जादों- देंखोमुनि हेफाजाबै फावथाइयारि जाथाइ आरो आखुनि हावानि सोमोन्दैयै गरन्थ' होनाय। बेनि सायाव, क'राछा फावथाइनि खबामारि दाथाइखौ बांहोदोंमोन। थार गुबैयै ट्रेजेडिया जुदिअ क'राछनिफ्रायनो सोमजिदोंमोन, उनाव बिजिरगिरिफोरनि नोजोरव बेयो बानायनाय आरो फावथाइयारि नडैं जानायसै आरो बेखायनो ग्रिक फावथाइगिरि एस्किलाछ, छफ'क्लिछनि उनाव क'राछनि गोहोमथिया लासै लासै खमायबोनानै उन्थाराव गैया जाबोनायसै। रिभेन्ज ट्रेजेडिनि बयनिखुइ मख'जाथावसिन बिदिन्थिया जादों छेनेकानि फावथाइफोर। छेनेकया क्लासिकल फावथाइनि बिथाइयावनो फावथाइ लिरनानै बेव गोबां रमान्कि आरो गोमोथाव जाथायनि थुब्रामनाय लाबोनायसै। ग्रिक फावथाइगिरि इडरिपिदिचनि आखाइयाव गोजाम क्लासिकल फावथाइनि जि गुस्लायनायनि जुरिनाय जादोंमोन, छेनेकया बेफोरखौ जोबथा रुपआव बाहायो। छेनेकानि ट्रेजेडिनि सरासन्ना खोलोनफ्रा जादों-फावथाइनि सल'वा गोर लायो फिन खिथेर होखारनायखौ लानानै आरो बेनो फावथाइनि गुबै देंखो हिंसाबै नुजाथियो। फावथायाव गोबां सिथारलायनाय जायो आरो उनाव साइनाया गोथै सह'जौनो बुंफोबो। छेनेकया गासै गां जि फावथाइ लिरदोंमोन आरो जोबोद खम समनि गेजेरावनो बै फावथाइफोर

मेघालयआ हान्था-मेला फोजौखांनयनि थाखाय 2 रोजा कौटि रां मदत मोनबाय

शिलं, 10 आगस्ट : मिरुनि रांखांथि मावख'था मेघालय आइटिपनि नैथि खोलोब बायदिहै लामाफोर आरो लजिस्टिक गुदि-बिथा जौगाखांनयनि थाखाय 2 रोजा कौटि रां गनार्यथि होबाय। एमआइटिपि बिथांखिखौ मेघालय रांखांथि जौगाखां करिद्वर महरै गनायनाय जायो। बिथांखिखौ खोलोब बायदिहै बेखेवनाय जागोन, जायनि गिबिसिन खोलोब वलर्ड बेंकनिफ्राय 880 कौटि रांनि हेफाजाबजों बेखेवदोंमोन। बे बिथांखिया बे जेन्दबा-रेसुवे लफारा-मेन्दिपाटर-दमरा, शिलं-डियेंपसह आरो पसिह बायदि लामाफोरनि बानायनाय एवा बे खेवनायखौ नोजोर खालामगोन। मेघालयनि गिबि मन्थि कनराड के सांमाया यजनानि प्रफजेल होनाय आरो रांखांथि मदत बिनो थाखाय 24 जुनखालि मिरुनि रांखांथि मन्थि निर्मला सितारमनजों लोगो

दुलाराय इडरपआव सुबुं अन्साइनायखौ मोननो हादोंमोन। इलेन्डआव क्लासिकल फावथाइनि गोरव (आहिं) लिरजानायनि सिगां छेनेकानि फावथाइ माखासेफ्रा इरांजिआव दानस्लाय जादोंमोन आरो एनेकी इरांजि थुनलाइनि गिबि क्लासिकल फावथाइ 'गरब'दक'आवबो बेनि गोहोमा गोल्बैया बालानो थायाखै। नाथाय इलेन्डआव छेनेकानि गोरव (आहिं) लिरजानाय गिबि मख'जाथाव फावथाइया जादों किदछनि 'स्पनीच ट्रेजेडि'। बै समाव बे फावथाइया एसेबां अन्साइजानाय जादोंमोनदि, सेक्सपीयेरबादि फावथाइगिरिफ्राबो बे फावथाइनि गोहोमनिफ्राय बारा'नो हायाखिसै। बबेखानि, सेक्सपीयेरनि 'हेमलेट'आ खिथेर होखारनायनि सायाव लिरनायब्लाबो दार्शनिक आरो मनतास्तिक सानस्तिन सरजाबनाया बेव खिथेरनि थांखिखौ गोजौ खलबाव दैखाहेंदों। खास्ति-बिस्ति सिथारनायाव सोलायलाडबालानो फावथाइयारि सल'वाव गोथौ मनतास्तिक नोजोर दिन्थिफुनायाव सेक्सपीयेरनि आखायाव रिभेन्ज ट्रेजेडिया मोनसे गोदान रुप लादों। असमिया फावथाइ 'बामुणीक'वर', 'निलाम्बर' आरो 'नागाक'वर'आव रिभेन्ज ट्रेजेडिनि माखासे आखुथाइ लैखो खालामनो हायो। गोदान क्लासिकल फावथाइ आरो छेनेकयारि दाथाइनि गलायनाय होनानै बेफोर फावथाइफोरखौ बुंनो हागौ। बे थाखौनि फावथाइनि मुंदांका गुरु सानैया जादों-रेचिन आरो आलफियेरि। बिसेरनि ट्रेजेडियाव सल'नि गोमजोरथि आरो हमथानाया (संयम) खोब बांसिनै बोनाफा जायो। फावथाइयारि जाथाइखौ रेजें खालामनो थाखाय जेबो बेव'स्थाय थाया आरो फावथाइनि गुदिनिफ्राय जोबजासिम ट्रेजेडिनि गोखौंथिया समानै बजाय लारिजायो। भननि मथे-गोखौंथियोनो जादों बे रोखोम ट्रेजेडिनि सरासन्ना लोखोन। सानस्तिन गोखौंथि आरो बेखौ हाबायाव रुप होनाया गोखौंथि-

"Severity is the general characteristic of this tragedies- severity of conception and severity of execution. It is no less characteristic of their style."

डू साधन कु मार भक्ताचार्य आ गरन्थ होदोंदि, एरिष्ट'एलनिफ्राय प्रफेसार निकलहालागौ ट्रेजेडिनि थाखो रानायनि जि जारिमिन होनाय जादों बेव गोमोखायारि आबुथिनि सिनायथिया बेरखांसारखे। बियो बायदि आयदायाव बिथा खालामनानै ट्रेजेडिनि थाखो रानायखौ गाहायाव होनाय बायदि सानखादों-

1. भाब गाहाइ बिथायाव:
 - क) गोमोथाव गाहाइ एवा 'हाइ ट्रेजेडि'
 - ख) गिथाव गाहाइ एवा 'हरर ट्रेजेडि'
 - ग) दाहा गाहाइ एवा 'पेथेटिक ट्रेजेडि'
2. सल'नि फुंखा बिथायाव:
 - क) पौराणिक (गोदीनि)
 - ख) जारिमिनारि
 - ग) माहारियारि
 - घ) नख'रारि
3. आयदा-बेसादनि बिथायाव:
 - क) बोसोन आयदायारि एवा 'मराल ट्रेजेडि'
 - ख) रांखांथि आयदायारि एवा 'इकन'-पलिटिकल ट्रेजेडि'
 - ग) लुबैनाय (काम) आयदायारि एवा 'पेछन ट्रेजेडि'
 - घ) धोरोम आयदायारि एवा 'रिलिजियाछ ट्रेजेडि'
 - ङ) खिथेर होखारनाय आयदायारि एवा 'रिभेन्ज ट्रेजेडि'
 - च) खैसार आयदायारि एवा 'कनछिपेरिच ट्रेजेडि'
4. बेंखन दाथाइ आखुथाइनि बिथायाव:
 - क) क्लासिकल एवा एप्यनिष्ट
 - ख) रमान्कि एवा बैचित्रवण
 - ग) दिन्थिफुनाय रीतिनि आखुथाइनि बिथायाव:
 - क) मोगथाडरि एवा रिपेलिछटिक
 - ख) आदर्शवारि एवा आइडिय 'लिछटिक
 - ग) महरथियारि एवा छीम्बलिक
 - क) गावसाथायारि
 - ग) मिलिथायारि

बेबादि बाहागो खालामसेयावबो सल'नि दाथाय फारसेनिफ्राय क्लासिकल आरो रमान्कि आरो गुबै सल'नि आयदा-बेसादनि फारसेनिफ्राय पौराणिक (गोदीनि) जारिमिनारि, माहारियारि आरो फोलेरारि- बे मोननै थाखो बाहागोयावनो जों गासै ट्रेजेडिखौ सोसनानै लानो हायो।



हमदोंमोन। बेनि गेजेराव एमआइटिपि (मेगा करिद्वर) बिथांखिनि नैथि खोलोबाव शिलं, टुरा, जवाइ आरो दावकिखौ सरजाबग्रा 300 किल'मितरनि बांसिन डबल लन लामाफोरखौ जौगाखां होनाय जागोन। राइज्योखौ ओन्सोलारि जौगाखांनि मिरु महयव सोलायहोनायनि थाखाय बिथांखिनि थांखिया टेक्नीकल पार्कफोर, गुदामफोर, आबाद संरैखाथि मिरुफोर आरो बाजारफोरनि जौगाखांनयजों

सांमाया एक्सआव मिबथिहोनानै बुंबावदोंदि, वलर्ड बेंकजों एमआइटिपि नैथि खोलोबनि बिथांखिखौ जागायनो थाखाय 2 रोजा कौटि रांनि गनार्यथि होनायनि थाखाय मान गोनां रांखांथि मन्थि सितारमननिमिस साबायख'। बेनि गेजेरजों गासैबो मख'जाथाव लामाफोराव खामानिखौ जागायदों आरो एमआइटिपिनि सैथि खोलोबनि खामानिखौबो सोलिहोबाय थागोन।

गाहाइ मन्त्रि मदिआ भाइनाडआव दावबायहैदों

भाइनाड, 10 आगस्ट : गाहाइ मन्त्रि नरेन्द्र मदिआ शनिबाराव गोखों हा गिसिखानायजों भुगिनांनय भाइनाडआव दावबायहैयो। बिथाड रेहाय आरो रेखाथियै थाहैफिन्नाय राहाफोरखों नायबिजरो। बिथाड रेखाथि बाद आरो फाहामसालिफोरग थानानै हा गिसिखानायनि जाथायाव भुगिनांनय सुबुंफोरखों लोगो हमहैयो। फारसेथिं गाहाइ मन्त्रिया नायसंनय जथुमाखोंबो गावनो सामलायो। बरेखा दोलोनि दैदेनगिरि राहुल गान्धीया एक्सआव पस्ट खालामनानै भाइनाडनि दुबुनांथाव मिथिंगायारि खैफोदजों भुगिनांनय थासारिखों भाइनाडआव थानानै नायगिदिहैनायनि थाखाय गाहाइ मन्त्रिनो साबायखर होदों। लोगोसे बिथाड गावनि फोथायनायखों



बुंथिदोंदि, गाहाइ मन्त्रिया बेयावनि सिलिंखार जानाय थासारिखों गावनि मेगनजों नुयोब्ला बिथाड माहारियारि इमार्जेन्सि फोसावनानै होगोन। मख'जाथावदि, थानाय लक सभायाव राहुल गान्धीया भाइनाडनिफ्राय देरहानानै एमपि जादोंमोन। आइएनएसनि बायदिल्ला हा गिसिखानायनि उनाव गोमानाय सा 152 सुबुंफोरखों

नागिरगासिनो दड। बेनि गेजेराव केरेला हाइकर्टआ मिडिया रिपटफोर आरो गाव मोन्नो हानाय लाइजामनि सायाव बिथा खालामना गोखों थांखि लानानै के स थिसन्यायखों रोखा खालामो। बेयाव बुनाय जादोंदि, भाइनाड आरो आबहावानि फारसे सन्देह' गोनानै गुबुन ओन्सोलफोरव बेलगाम देहेन खालामनाय जादों।

आसाम आरो मिज 'रामआ गोदान जुथाइ गोरोबथा खालामबाय

आइजल, 10 आगस्ट : गोबाव समनिफ्रायनो सोलिगासिनो थानाय राइज्योयारि सिमना जेनाखों सुखानो थाखाय मिज'राम आरो आसामनि सरकारफोरा दिने आइजलनि राइज्यो आलासि न'ब्लांआव मोनसे गोदान जुथाइ गोरोबथायाव मुंसाइ होयो। मिज'रामनि नख'र मन्त्रि के सपदांगा आसामनि सिमना रेखाथि आरो जौगाखां मन्त्रि अतुल बर बिथामोनाह दरनेबो राइज्योनि गेजेराव गोजोन आरो मदतनि थाखाय गोदान जुरिनयनि नेसोन महैर मुंसाइ होयो। दरनेबो राइज्योनि गिबि मन्त्रिफोर थानाय फेबुवारीयाव गनायथिज्जालानाय थांखिखों गोखों खालामनानै सोलिफु बोसोरनि जागायजेनायाव विनि



हाबफारिखों जागायदोंमोन। बे गोरोबथाया गोजोनखों लाखिलांनय आरो सिमनायाव जेना एबा दावहाखों होबथानायनि थाखाय थानाय गैये नाजानायनि सायाव नोजोर बोयो। दरनेबो राइज्योआ जुथाइ

हारिमुयारि आरो गेलेमु फोबोफोरखों खुनायनि सायाव नोजोर होनायजों लोगोसे गावनि सिमनायाव सांघ्राथिखों बांहोनो आरो गोजोन लाखिलांनयनि थाखाय जयै खामानि मावगोन। समाजयारि फोनांजाव आरो

बुजिलायनायखों बांहोनयनि थांखिजों हे हाबाफारिया 31 जानुवारी 2025 नि सिगां जागायनो हागौ। आसाम-मिज'रामआ सिमनानि आयदाफोरखों गोजोन आरो गोहोम गोनाडे सुखानो थाखाय

गाव-गावनि नाजानाय आरो मदत होनायखों रोखा खालामो। फारसेथिं सरकारि बिबानगिरिफोरनि जथुमा खुनाय जागोन। मन्त्रि थाखोन जथुमाया 31 मार्च 2025 नि सिगां बिफोरनि अनगायै न'सुसे राइज्योफोरनि सरकारि स्मिर्लिन हेथायै जि'र ट्लारेस पलिचिनि फारसे गाव-गावनि बिबानखों बुंथियो। दरने राइज्योनि डिपुटि कमिसनार आरो एसपिआ जायखिजाया आयदाखों सोमोन्दो लाखिनाय आरो सिमना रेखाथिखों गोखों खालामनायनि थाखाय दानफ्रेमबो जथुमा खालामगोन। लोगोसेनो 2 बोसोरनि जथुमाबो खालामगोन।

आसाम केबिनेटआ दर 19 गामिफोरखों बिटिआरआव सोफानो गनायथि होबाय

गुवाहाटी, 10 आगस्ट: मोनसे मख'जाथाव थांखिआव गिबि मन्त्रि उ हिमन्त बिश्व शर्मानि दैदेनायाव आसाम मन्त्रि आफादआ 2020 आव खालामनाय थामथि बर' गोजोन गोरोबथानि दफा बादिदै बिटिआरआव दर 19 गामिफोरखों सोफानो गनायथि होयो। बे थांखिखों आसाम केबिनेटनि समाव लानाय जथुमाआ बर' गोरोबथानि दफाफोरखों आबुं खालामनायनि मोनसे मख'जाथाव थांखि लायो। बे थांखिआ बर' सुबुंफोरनि गोनाथिफोरखों नोजोर होनाय आरो खुंथायखों बांहोनय। बेनि अनगायै केबिनेटआ आसामनि गुदि बिथा आरो रांखाथि जौगाखांखों बांहोनयखों नोजोर होनानै माखासे गुबुन सोलायनाय राहाफोरखोंबो गनायथि होदों। आसाम इलेक्ट्रिनिक्स डेभलपमेन्ट कर्परेसन लिमिटेडनि गेजेरजों दानाय बे नेमखांथिजों



8,000 थोंजोडे आरो 1,00,000 निबो बांसिन खेंसालियायै साखिफोर ओंखारो हागौ, जाय आसामखों टेविनकेली गोदान आरो बानायफिनग्रा मिरु महैर फुसगोन। आसाम केबिनेटआ गनायथि होनानै फिसा फालांगिरिफोरसो रेहाय होनो थाखायबो थांखि लायो। बे

थांखिआ 2017 निफ्राय 2022 सिमआव रेजा-रेजा गोलेसोनो थानाय केसफोरखों बोसांनो गनायथि होगोन। बे केसफोरखों 3 दाननि गेजेराव बोसांनो आरो टेक्स होग्रफोरनि सायाव बख्खों खम खालामनो थांखि लादों। बेनि अनगायै केबिनेटआ 2020 आव सोदानाय मोननै परिपदफोरव बिसायख'थि ओन्सोलफोरनि

अन्जिमाया 22 निफ्राय बांनानै 27 टेक्स होनो गनायथि होदों। जोबथारनायाव राइज्योआव सोलेंथानि फिथाइफोरव साबखोनो नाजानाय, आसाम मन्त्रि आफादआ गनायथि होबाय। ओन्सोलारि आरो सरकारि स्कुलफोरनि थाखाय सा 1766 डिग्री गोनां फोरोंगिरिफोरखों थिसन्याय होदों।

नोगोरारिफोरनि अजदखों सुखानायाव आसामा नैथि मारि आवगिदों

गुवाहाटी, 10 आगस्ट : नोगोरारि अजदफोरजों लोब्बा लाखिनायाव आसामआ जौसिन राइज्योफोरनि गेजेराव दरसे, जाय 7,430 केसफोरखों सुखानों। थानाय जुलाइ दानाव आसामा बे फारिलाइयाव हादतनाडे नैथि नाम्बाराव दडमोन। सा-सान्जानि राइज्यो आसामआ जानुवारीनिफ्राय जुलाइसिमाव 30,572 केसफोरजों लोब्बा लाखिदों, जायजों आसामा हादतनाडे थामथि नाम्बाराव जायगा आवगियो। बे खौरांखों आसामनि गिबि मन्त्रि हिमन्त बिश्व शर्माया एक्सआव मिबथिहोदों। बिथाड बुंदों, जौनि राइज्यो सिगांनि दानफोरनि बायदि जुलाइआवबो गावनि नोगोरारिफोरनि अजदफोरखों सुखानायाव जौसिन



राइज्योफोरनि गेजेराव दरसे जानानै थानो हायो। जानुवारीनिफ्राय जुलाइसिमाव केसफोरखों सुखानों। फारसेथिं 9,012 केसफोरा दासिमबो थाबथानानै दड। बे समावनो जुलाइ दानाव आसाम सरकार

7,430 केसफोरखों सुखानों। फारसेथिं 9,012 केसआ दासिमबो सुखानांजागौ दड। बेनि सिगां आगस्टआव गिबि मन्त्रि शर्माया राइज्योनि क्रेडिट डिपजिट इन्डेक्सआव मख'जाथाव बांनयखों फोसावदोंमोन, जाय थानाय 3-4 बोसोरफोरव 32

जौखोन्दोनिफ्राय बाययनानै 58 जौखोन्दो जाफेदों। गिबि मन्त्रिया बे माइल खुथियाखों मोनसे जोबोद मख'जाथाव जाफुसाराय होना बुडे, जाय गासै आसामाव बांनोनय रांखाथि शोयारिखों रोखा खालामो।

करिमगन्ज जिल्लायाव सिमना रेखाथिनि थाखाय गोखों थांखि आजावदों

गुवाहाटी, 10 आगस्ट : करिमगन्ज जिल्लानि कमिसनार



मृदुल यादबनि बायदिल्ला भारत-बांलादेश सिमनायाव भुजाथिनय थासारिखों नोजोर होना आसामनि करिमगन्जआव रेखाथि राहाखों बांहोनय जादों। हिंसानि जायखिजाया जानो हाथाव

जाथायखों होबथानायनि थाखाय बिबानगिरिफोरा सांघ्राथिखों बांहोदों। बिथामोनहा हाइ एलर्ट जानानै दड आरो जायखि जाया जाथावनाडे जाथाइफोर जाहाथे जाया बेखों नोजोर होदों। बिएसएफआ बे ओन्सोलाव गोखों गावसोरनि नुजाथिनयखों रोखा खालामदों। लोगोसेनो बिथामोनजों थिसनफाजानाय सान्थिनि मोनसे कम्पानीयाबो उफ्रायै मदत होदों। मोनसे मख'जाथाव थांखियाव एन्टिग्रेटेड चेक पस्ट (आइसिपि) खों समबानिफ्राय बन्द' खालामना होनाय जादों, जायजों गासैबो इम्पट आरो एक्सपर्ट हाबाफारिफोरजों लोगोसे सिमना बारनायनि सुबुंफोरनि थालाय-फैलायाबो आबुं डै बन्द' जादों। मख'जाथावदि, थानाय सप्ताहनिफ्राय बेबायदि बन्द' खालामनायखों गोखोडे गोहोम गोनो खालामदों। अदेबानि बे लामाजों सोरबा भारतीय फरायसा एबा नोगोरारिया हादतआव फैफिन्नायनि जेबो खौरं मोनाखें।

शेख हासिनानि फिसाज्ला जयआ बिमानि जिउखों रेखा खालामनायनि थाखाय पिएम मदिनो साबायखर बाउदों

साओपाउल, 10 आगस्ट: बांलादेशनि आगुनि गाहाइ मन्त्रि शेख हासिनानि फिसाज्ला सजिव वाजेद जयआ गाहाइ मन्त्रि नरेन्द्र मदिनि फारसे साबायखर जासियो। लोगोसे शेख हासिनानि भिजा होबथानायनि मिडिया रिपटफोरखोंबो बियो नेवसिगारदों। बियो बुडे रवबो बुजिना सुबुडा दैदेनगिरिनि भिजाखों होबथाया आरो बियो गाबाखें। मोनसे मोगा-मोगियाव वाजेदआ बुंदोंदि, रवबो बिनि भिजाखों होबथायाखें। बेफोर



गासैबो नंखाय खौरंफोर। बियो शेख हासिनानि जिउखों रेखा खालामनायनि थाखाय गाहाइ मन्त्रि मदिनो हामलायथिबो

बाउयो। बिथाड बुंवावयोदि, भारतआ मुलुगखों दैदेनायाव बिफान लानायनि गोनांथि दड आरो गुबुन हादतआरि गोहोफोरनि थासारिखों कन्ट्रल खालामनायनि गनायथि होनो नाडा मानोनो बेयो भारतनि नन्सुसे हादत। बेयो भारतनि सान्जा बाहागो। हासिनानि खुंथाइनि समाव बांलादेश रांखाथियारि महैर जौगाखांदों आरो गोजोन जादों होना वाजेदआ फोरमायदों।

बाउयो। बिथाड बुंवावयोदि, भारतआ मुलुगखों दैदेनायाव बिफान लानायनि गोनांथि दड आरो गुबुन हादतआरि गोहोफोरनि थासारिखों कन्ट्रल खालामनायनि गनायथि होनो नाडा मानोनो बेयो भारतनि नन्सुसे हादत। बेयो भारतनि सान्जा बाहागो। हासिनानि खुंथाइनि समाव बांलादेश रांखाथियारि महैर जौगाखांदों आरो गोजोन जादों होना वाजेदआ फोरमायदों।

बाउयो। बिथाड बुंवावयोदि, भारतआ मुलुगखों दैदेनायाव बिफान लानायनि गोनांथि दड आरो गुबुन हादतआरि गोहोफोरनि थासारिखों कन्ट्रल खालामनायनि गनायथि होनो नाडा मानोनो बेयो भारतनि नन्सुसे हादत। बेयो भारतनि सान्जा बाहागो। हासिनानि खुंथाइनि समाव बांलादेश रांखाथियारि महैर जौगाखांदों आरो गोजोन जादों होना वाजेदआ फोरमायदों।

रडिया डिभिजनआव मिलक स्टल
गाहायाव होनाय हाबानि थाखाय गाहायाव मुंसावनायखों इ-टेवर हंखादनाय जादों। फार नं.-1; टेवर नं.: एन्बिकिडयगएरसिफ; थाबानि नं.: 05 (बा) बोसोरनि थाखाय 'बि' थाखोनि निउ बहावरेव रेलेवे स्टेशननि सामलायथाय ओमोलोलाव मिलक स्टलआव गाइखर आरो गाइखरनि मुबा फानानयि गहा। टेवर बेसेन: 2,12,960/- रू., होरोनाय धोन 33,300/- रू., फारि नं.- 2, टेन्डर नं.: आरएनएडएएएए, थाबानि नं.: 05 (बा) बोसोरनि थाखाय 'ए' थाखोनि रडिया रेलेवे स्टेशननि फेदकन-2/3 नि मिलक स्टलआव गाइखर आरो गाइखरनि मुबा फानानयि गहा। फोथायथायनि बेसेन: 3,50,400/- रू., होरोनाय धोन: 54,700/- रू., गौथिनि टेन्डरनि बन्द नि अकट आरो सभ 29-08-2024 नि 15:00 घण्टायाव गौजीआव होनाय इ-टेन्डरनि आबुं फोसावनाय आरो टेन्डरफोरखों वेबसाइट <http://www.ireps.gov.in> आव मोनो हागोन।

डिआएएम (सि), रडिया सा-सान्जा सिमना रेलवे
मिनिस्त्रुनायजों ग्राहकफोरखों सिबिथाय होनाय

फालांगियारि रादाइ फोसावथाय दिन्थिनयनि थाखाय इ-निलाम

रडिया डिभिजनआव फालांगियारि रादाइ फोसावथाय दिन्थिनयनि थाखाय इ-निलाम। फोरमायथि: 05 बोसोरनि थाखाय 50:50 सम स्लट/स्पेस शेयारिआव रेलवे मेसेजफोरखों लोगोसे फोसावथाय दिन्थिनयनि खाबुजों रडिया डिभिजननि गुबुन गुबुन रेलवे स्टेशनआव फिडिआ बाल आरो एलईडि डिभि स्कोनिन जगानाय, सालानाय, आरो सामलायनायनि थाखाय इ-निलामयारि रेलवे डिपार्टमेन्टके रादाइ होनाय।

सेक नं.	लड नं.	जायगा
ए/1	एन्बिकिड-आरएनएव-टिअएएए-अरएडि-135-22-2	डेला स्टेशन
ए/2	एन्बिकिड-आरएनएव-एन्बिकिड-अरएडि-137-22-2	निउ बहावरेव स्टेशन
ए/3	एन्बिकिड-आरएनएव-एरएएएव-अरएडि-132-22-2	हारुथि स्टेशन
ए/4	एन्बिकिड-आरएनएव-अरएएएव-अरएडि-134-22-2	राबारा नथं स्टेशन
ए/5	एन्बिकिड-आरएनएव-बिबेएए-अरएडि-140-22-2	थिकनी स्टेशन
ए/6	एन्बिकिड-आरएनएव-टिअएएएएव-अरएडि-150-22-2	तिहू स्टेशन
ए/7	एन्बिकिड-आरएनएव-आरएनएव-अरएडि-131-22-2	रडिया स्टेशन
ए/8	एन्बिकिड-आरएनएव-एरएएएएएव-अरएडि-133-22-2	नाइलगाव स्टेशन
ए/9	एन्बिकिड-आरएनएव-डिबिबल-अरएडि-148-22-2	फाटाला स्टेशन
ए/10	एन्बिकिड-आरएनएव-इअएएव-अरएडि-136-22-2	उदलगाव स्टेशन
ए/11	एन्बिकिड-आरएनएव-बिअएएव-अरएडि-139-22-2	बहावरेव स्टेशन
ए/12	एन्बिकिड-आरएनएव-बिअएएव-अरएडि-142-22-2	गल्लगाव उदर स्टेशन
ए/13	एन्बिकिड-आरएनएव-एरएएडि-अरएडि-147-22-2	नरबाही स्टेशन

निलामनि जागावनेनाय अकट आरो सभ: 10:00 रिग, 24-08-2024। निलामनि जौबनाय अकट आरो सभ: 12:30 रिग, 24-08-2024। रेड इन्डिन्स: बोसोरनि लाइसेन्सि मासु। दावबावनाय/सान: 1826। केटेगरी: (फोसावथाय-स्टेशन रिमाइन्स) डिजिटेल। जानो हाथाव बिडारफोरखों आइआरएडिफोरनि वेबसाइट इ-निलामयारि रेलवे डिपार्टमेन्टके रादाइ होनाय www.ireps.gov.in

डिभिजन रेलवे मेनेजर (सि), रडिया सा-सान्जा सिमना रेलवे
मिनिस्त्रुनायजों ग्राहकफोरखों सिबिथाय होनाय

मेघालयनि मावजिम्बुइन दन्दरनि हियारिखों 14 आगस्टआव होगोन

शिलं, 10 आगस्ट: मेघालय हाइ कर्टआव मौसिनरामआव मावजिम्बुइन दन्दरनि सिडव हाबाफारि खुनायजों लोब्बा गोनां केसआव सिगांनि नायबिजिनयनि थाखाय 14 आगस्टखों थि खालामदों। कर्टआ जायगानि शासि आफाद, डरबार चं आरो आर'जलाइ गथायग्रानि गेजेराव मोनसे आबुं सुखानायनि थाखाय गावनि गुदि बिबानखों रायखाडे। बे यात्राआ मोनसे रेजिस्ट्रेसन आफाद, जाय 2011 निफ्राय 2023 सिम शिब लिंनि फुजानि थाखाय दन्दरआव तीर्थ यात्रा एबा धोरेमरि दावबायनाय हाबाफारि खुनाय जायो। बावेसो सिगांनि हियारिआव कर्टआ सान्जा खाशि हिल्ल जिल्लानि डिपुटि कमिसनार आरो एसपिनि नुजाथिनयनि सायावबो नोजोर होदों। डिपुटि कमिसनार आरो एसपिजों सावरायनायनि उनाव कर्टआ हान्जाफोरनो सुखानायनि दावि खालामनो थाखाय उफ्रा सम होनायनि गोनांथिखों बुथिदों।

काजियाव फिन गाग्लोबनाय जाथायाव सा 100 निफ्राय बांसिन सुबुंनि जिउ खहा

कहरि, 10 आगस्ट: इब्राइलआ शनिबाराव गाजानि मोनसे फरायसालिआव गोखोडे उरं जाहाजजों गाग्लोबदों। बे गाग्लोबनायाव सा 100 निफ्राय बांसिन सुबुंफोरा जिउ गोमाबाय। फिलिस्तानी सावसि बिबानगिरिफोरा खौरं होनायनि गेजेरजों मिबथि होदोंदि, गाजायाव न' गैजायै सुबुंफोरनो जायगा होनाय फरायसालियाव इब्राइलनि गाग्लोबनायजों गासै 100 निफ्राय बांसिन फिलिस्तानी थागिबिफोर जिउ गोमाबाय। बे गाग्लोबनायाव माखासे सुबुंफोरबो जोखोम जादों। गुबुन फारसेथिं इब्राइलनि सान्थिआ बुंदोंदि, बिथाडा हामासनि मोनसे कामान्ड सेन्टारआव

गाग्लोबदों। अदेबानि हामासनि गेजेरजों सोलिनाय मिडिया मावख'आ मोनसे फिनजाथाइ होनायाव बुंदोंदि, इब्राइलनि गाग्लोबनायनि थांखिया फुंनि नामाज फरायनाय समाव न' गैजायै सुबुंफोरनि सायावमोन, बेनि जाहोनावनो जिउ खहा जानानाय सुबुंफोरनि अनजिमाया गोखैयै बांदोंमोन। इब्राइलनि

अखांमा सान्थिआ बुंदोंदि, जौ अ ल - त ब ि ह न फरायसालिआव थानाय हामास कामान्ड आरो सिमनायाव एक्टिभ हामासनि उरखाफोरनि सायाव गोखोडे गाग्लोबदों। बे फरायसालिया दाराज तुफफायाव थानाय मोनसे मज्जिदनि खाथियाव दड।

जोबोद गोख्रैये होसोनानै मैहुरखौ स्वैफोदआव खोरख्लैग्रा गिख्रंथाव जिबौ

मुलुगआव थांनाय जिबफोरनि गेजेराव जिबौनि मुं खोनायोब्ला बयबो गिनाय मोनो। रावबो सुबुंआनो जिबौजो मोगा-मोगि जानो हास्थाय। जिबौनि गोबां रोखोमनि हारिफोरखौ मोन्नाय जायो, जायफोर बेसेबां गिख्रंथाव बेखौ जो आबुं मिबथिया। अब्लाबो जिबौजो मोगा-मोगि जायोब्लानो जोबोद गिनाय मोनो। जिबौआ गाग्लोबनो नाजायाब्लाबो जो गिनानै खारयोयो आरो होसोदोना-होसोयाखै नायफिना। दिनेनि लिबिदांआव औरैबायदि जिबौनि बागै मिबथिहोगोन, जाय औरैबायदि गोख्रै खारोदि, मैहुर खालामजाग्राया माब्लाबाबो गखानाय नडा। अदवानि बे जिबौआ गोबां खम गाग्लोबो, नाथाय होसो-होसो औरैबायदि खालामोदि, सुबुंआ गिनायजोनों हुस गोमानो हागो। बे जिबौनि खारनायखौ नुनानै बयनिबो मेलेमा खामानि होनाय नडा। बे जिबौखौ भारतनि गोख्रैसिन खारया जिबौ होन्ना गनायनाय जायो, जायखौ रेस्टनेक होन्ना बुनाय जायो। बेनि मुंखौ रेस्टनेक होन्ना बुनायनिबो



मख 'जाथाव बाश्रा दड। मानोना बे जिबौनि एन्जरआ गुबै जाग्रा आदार। अखा बोथोराव बे जिबौफोरा गुदुनिफ्राय ओखारो। बेनि गावआबो गोबां रोखोमनि थायो। भारतआव बे हारिनि जिबौखौ बोराय गाव एबा स्लेटी गावआव मोन्नाय जायो। अमेरिकायाव बे हारिनि जिबौखौ गोमो गावआव मोनो। गराय

बायदि गोख्रैये खारो हानायनि थाखाय बे जिबौखौ भारतआव गराय जिहौ होन्नायबो जायो। खायसेया बेखौ धामिना होन्नाबो बुडो। मिबथिनो गोनांदि, बे जिबौआ जुदि नोथोनों उन-उन होसोनाय बायदि खारोब्ला गिनांगीनि गोनांथि गैया। मानोना बे जिबौआ बिष गोनां नडा। नाथाय बेनि खारनायखौ नुनानै

सोरबाया बेहुस जानो हागो। मुलुगनि बयनिखुडबो गोख्रैसिन खारया जिबौआ जाबाय ब्लक माम्बा। बेनि गोख्रैथिया घन्टयाव 20 कि:मि: आरो गावनि मैहुरखौबो जोबोद गोख्रैखाहोयो। जेराव रेस्टनेक जिबौआ बिष गोनां जाया, फारसेथि ब्लेक माम्बाया औरैबायदि बिष गोनां जायनि फाहामथाइखौ थि समाव मोनाब्ला 95 जौखोन्दो मैहुर थैयो।

रंजालि गथ'फोरनि सौरा

दाखालिसो दडेमोन

(1)
मानसिनि जिउआ दि मैया दडेमोन दिने दं गाबोन थागोन थाया रावबो बुस हाया सानबाबो जाफुं खाया।
(2)
सम मोत्रायवोनो लोगो हम आंगोजो मिन रंजा जोनोमखौ खनले मोना मिजिआथ गोबां थायो उनफिननो गोसोखां गर्बोयो।
(3)
से नै थाम सानो गाथाम बैसोनि फैसालिया बो थाम गथ' लाइमोन बोराइ नि सम जिउ बारगबा सोंगोन सोरमोन ए.बिथ 'दाखालिसो दडेमोन'।

हेमन्त स्वर्गीयारी
गोदान दिल्ली

समनि बाइगर

गाखो मोरनाने मावदिनथिखौ मानो सिखोमानो सानदो

बेनिखायनो जेनानांदो समनि बाइगर जेनबाय थागोन

जेब्लासिम संसारनि माया रिफिजो आगान फोलावना

थारनि गुमुर दिनथि लानो सिगां बोया

नुबाय दा बर'आ देरहासार जै जाथो।

सखिराम बर'
राबां, बाक्सा

अभिन्नभ बिन्द्राआ अलिम्पिकआव जर'खा बान्थाजो मान होजागोन

गोदान दिल्ली, 10 आगस्ट: भारतनि मुंदांखा शूटर अभिन्नभ बिन्द्राआ सोलिफु पेरिस अलिम्पिकआव अडर एवाडो जो मान होजागोन। बिथाडा अलिम्पिक आन्डलनआव जर'खा बिहोमानि थाखाय बे बान्थानि थाखाय सायख'जागोन। हारिमारयि अलिम्पिक कमिटीआ पेरिसआव खुंजानो गोनां एवाडो सेरमोनीआव बे बान्थाजो बिन्द्राखौ मान होगोन। जेराव बे बान्थाया बिन्द्रा नि अनगायै भारतनि थाखायबो जर'खा मान लोबोदो। मख 'नो गोनांदि, बिथाडा बे बान्थाजो मान होजानाय नैथि भारतीय सुबुं जागोन। अलिम्पिक कमिटीनि आफादगिरि थमास वाचआ मोनो सिगां समावोनो लाइजामनि गेजेरजो बे खौरनि सायाव मिथिहोदो। बिथाडा




लाइजामआव फोरमायनाय बादिब्ला, अलिम्पिक कमिटीनि एक्जिकुटिव बर्डआ अलिम्पिक आन्डलनआव बिहोमा होनायनि थाखाय बे बान्थानि थाखाय सायख'नायखौ मिथिहोदो। जेराव बेनि सिगां भारतनि बारा' गाहाइ मन्थि इन्दिर गान्धीआ बे बान्थाजो मान होजाखांबाय। 1983 आब मुम्बाइआव खुंजानाय एवाडो सेरमोनीआव इन्दिर गान्धीआ बे

बान्थाजो मान होजादोमोन। 1975 आब होजेनजानाय बे बान्थाया अलिम्पिक आन्डलननि थाखाय गथायनाय बान्थानि गेजेराव बेसेन गोनांसिन। जेराव बे बान्थानि थाखाय अलिम्पिक आन्डलनआव बिहोमा होनाय सुबुंखौ सायख'नाय जायो। सिगां समाव बे बान्थाखौ मोनथाम केटेगिरि फारिये- सना, सिलभार आरो ब्रन्जआव होनाय जायोमोन।

नाथाय 1984 आब बे बान्थाखौ सनानि मेडल केटेगिरिआव होनायनि थिरांथा लायो। सरासन्धायै अलिम्पिक कमिटीआ खेबफ्रोम अलिम्पिक गोम्सनि फोबोबनाय हाबाफारिआव बे बान्थाखौ गथायो। अभिन्नभ बिन्द्राआ फाउन्डेसननि गेजेरजो भारतीय गेलेगिरिफोरखौ गेलेमु लामायाय सिगांफारस आवगायहोदो। बिथाडा अलिम्पिकआव सनानि मेडल देरहाय गिबि भारतीय गेलेगिरि। 25 बोसोर बैसोआवोनो बिन्द्राआ 10 मिटर एयर रइफल इभेन्टआव 2008 आब बेइजिआव जालानाय अलिम्पिकआव सनानि मेडल देरहादोमोन। बिथाडा 15 बोसोर बैसोआवोनो 1998 नि कमनवेलथ गोम्सआव बाहागो लानाने बे गोम्सआव जायगा मोन्नाय लाइमोनसिन गेलेगिरिखो जादोमोन।

आल्जेरियानि आइजो बक्सर इमा खालीफआ सेम्पियन जानो हाबाय

पेरिस, 10 आगस्ट: सोलिफु पेरिस अलिम्पिकआव आइजो बक्सर इम इभेन्टआव माखासे जेना एबा सावराय जानायखौ नुनो मोन्दो। जेब्ला आइजोफोरनि वेल्टर वेट केटेगिरिनि प्री क्वार्टर फाइनलाव इटालीनि बक्सर एन्जेला कारिनी आरो आल्जेरियानि बक्सर इमान खालीफनि गेजेराव बादायनाय जादोमोन अब्ला माखासे जेना सोमजिदोमोन। बे समाव गोबाडनो आइजो बक्सरनि हेंथायै सासे होवा बक्सरखौ बादायहोनायनि अजद होदोमोन। जाउनव आल्जेरियानि बक्सर इमान खालीफआ ससेल मिडियानि गेजेरजो गोबां टूल खालामजादोमोन। मानोना इमानआ सिगां समावबो जेन्डारखौ लानानै माखासे जेनायाव गोम्लेखांबाय। खालीफआ 2023 नि बक्सर वर्ल्ड सेम्पियनसिपआव सनानि मेडलनि थाखाय बादायनाय मेचनि माखासे घन्टा सिगां जेन्डारखौ लानानै डिस्कवालिफाइ फोसावजादोमोन। बेबादि थासारिनि जाउनवबो बिथाडा सोलिफु अलिम्पिकआव सनानि मेडल देरहाबाय। मानोना अलिम्पिकआव जेन्डर इकुवेलीटी थामहिनबा रोखोमसे आथोननि गेजेराव समाथाय मोन्थायखौ होयो। इमानआ आइजोफोरनि 66 कि:ग्रा: लिखथायाव सनानि मेडल देरहादो। बिथाडा चीनि यां लियुनि हेंथायै फाइनालनि बादायनाय देरहादो। बे मेचआव बिथाडा बेरेखा बादायारिखौ आवगायनो खाबु होवालासे 5-0 स्करआव फेजेन्दो। इमानआ बे देरहायजो सनानि मेडल देरहायनाय आल्जेरियानि गिबि आइजो बक्सर जाबाय। बिथांनि अनगायै हसीन सल्टानोआ होवाफोरनि केटेगिरिआव आल्जेरियानि थाखाय सनानि मेडल



देरहादो। खालीफनि थाखाय पेरिस अलिम्पिकनि हाथिनाया जेनाजो बुंफबनायमोन। मानोना अलिम्पिकनि समाव गोबाडनो बिथांखौ होवा बक्सर खालामानानै टूल खालामजादोमोन आरो बिथांनि खेबफ्रोमबो बादायनाय मेचआव जर'खा दिन्थिफु नायखौ नोजोर होदोमोन। फाइनालआव देरहायनि उनाव खालीफआ उदाडे बारआव पान्च खालामानानै आल्जेरियानि हाथारियारि फिफिलजो देरहायनि फाव दिन्थिनानै मददनि थाखाय साबायख'र हरोदो। बे समाव बिथांखौ इमसनेल जानाय नुदो। 25 बोसोरनि खालीफआ खौरगिरिनि सौंथिआव थांनाय 8 बोसोरनिफ्राय अलिम्पिक सेम्पियन जानायनि सिगां सुजुनायखौ फोरमायदो।

निरज चप्रानि जोखोमआ अन्सायगिरिफोरनि गोसोआव जिगा लाबोदो

गोदान दिल्ली, 10 आगस्ट: भारतनि जेभलिन स्टर निरज चप्राआ सोलिफु पेरिस अलिम्पिकआव सिलभार मेडल देरहायनि उनाव गावनि जोखोम जानायखौ रोखा खालामानानै होदो। बिथाडा फोरमायनाय बादिब्ला, इभेन्टआव बाहागो लानायनि थाखाय गोबां नाजानायनि उनाव थाबेनो सार्जि खालामजानानो हासिगो। निरजआ पेरिस गोम्सनि सिगां आखास्थियाव माखासे जेनायाव गोम्लेदोमोन। बेबादि थासारिनि गेजेरावबो गोलाडव फेफिनानै बिथाडा सोलिफु मेगा इभेन्टआव 89.45 मिटर जान्थायजो सिलभार मेडल देरहायनि गने अलिम्पिक मेडल देरहायनि गिबि ट्रेक एन्ड फिल्ड एथलिटि जाबाय। निरजआ टिकय अलिम्पिकआव सनानि मेडल देरहायनि सोलिफु अलिम्पिक आबो



अन्सायगिरिफोरनि गोसोआव गोबां मिजिथि लाबोदोमोन। नाथाय पाकिस्ताननि अर्शद नदीमआ 92.97 मिटर जान्थायजो सनानि मेडल देरहादो। नदीमआ बे देरहायजो पाकिस्ताननि गिबि सनानि मेडल देरहाय गेलेगिरि जाबाय। इभेन्टनि उनाव निरजआ गावनि गोसोआव जोखोमनि फारस माखासे सान्दांथि फेनायखौ फोरमायदो। बिथाडा फोरमायनाय बादिब्ला, इभेन्टनि समाव 60-70 जौखोन्दो गोसोआनो जोखोमनि

सायाव सांग्राथि फेदोमोन। मानोना बे इभेन्टआव बिथाडा जोखोमनिफ्राय बारग'नो नाजादोमोन। बेबादि थासारिआवोनो खेबफ्रोम खुबैनायावोनो माखासे हेंथा सोमजिदोमोन। 2023 नि वर्ल्ड सेम्पियनसिपआव गावनि दिन्थिफु नायखौ फोरमायनानै निरजआ सिगां समावोनो डाक्टरीनि गावखौ सार्जि खालामजानो सुबुरुन होनायखौ मिथिहोदो। लोगोसे बे सेम्पियनसिपनि सिगां

आरो उन समाव थोजासे सम मोनैखौ फोरमायो। निरजआ फोरमायबावनाय बादिब्ला, अलिम्पिक थियारिआव गोलाव सम हमारनो थाखाय बे समाव गुबुन हाबाफोराव नांगोबादि सम हगायखेमोन। बेबादि थासारियावबो निरजआ निरजआ अलिम्पिकआव लान्थियै गने मेडल देरहाय गेलेगिरि जाबाय। जेराव बेनि सिगां रेसलार सुसिल कु मार आरो बेडमिन्टन गेलेगिरि पिभि सिन्धुआ बेबादि मेडल देरहादोमोन। सिगां फारस निरजआ फोरमायनाय बादिब्ला, बे मेगा इभेन्टआव मिजिथि बादिथै दिन्थिफु नो हायाखै। बिथाडा फोरमायनाय बादिब्ला, 2017 आबनो आखास्थियाव साखानाय जेनाजो मोन्दोनाय उनाव फाहामथाय लादोमोन। मख 'नो गोनांदि, निरजआ 2022 आब 89.94 मिटर जान्थाय खुबेदोमोन।

गल्ड मेडलिस्ट अर्शद नदीमनि मुडाव स्पर्टससिटि खालामनाय जासिगोन



गोदान दिल्ली, 10 आगस्ट: सोलिफु पेरिस अलिम्पिकआव जारिमिनारि महेर सनानि मेडल देरहायनाय पाकिस्ताननि अर्शद नदीमआ गावनि दिन्थिफुनायजो बयखौबो गोमोहोहो हारो। बिथाडा जेभलिन खुबैनाय इभेन्टनि फाइनालआव 92.97 मिटर जान्थायजो सनानि मेडल देरहादो। अलिम्पिक गोम्सआव नदीमनि देरहायनाय पाकिस्ताननि थाखाय 32 बोसोरनि उनाव गिबि मेडल देरहायनाय आरो जेभलिननि फोथारआवबो गिबियै मेडल फेजेनाय। जारिमिनारि महेर देरहायनायनि उनाव नदीमआ गोबां कौटि रं मोन्नायनि लामायाव फेबाय। पाकिस्ताननि पान्जाव राइजोननि गिबि मन्थि मरियाम नवाजआबो नदीमनि थाखाय 10 कौटि रं

होनो फोसावबाय। अन्सायगिरिफोर नदीमनिफ्राय बेबादि जान्थाय खुबैनो हागोननि मिजिथि लायाखैमोन। गिबि दिन्थिफुनायव पाउल खालामनायनि उनाव नदीमआ नैथि नाजानायव 92.97 मिटर जान्थाय खुबैनो हारो। बेबादि थासारिआव निरजजो लोगोसे गुबुन गेलेगिरिफोरा बिथांनि जान्थायनिफ्राय गोबां उनाव थाहोदो। मानोना रावबो गेलेगिरिआनो बे इभेन्टनि फाइनालआव 90 मिटर जान्थायसिमखौनो सौहेनो हायाखै। बे फारिआव भारतनि निरज चप्राआ 89.45 मिटर जान्थायजो सिलभार मेडल देरहादो। नाथाय गोलाव समनिफ्रायनो थांथि लाबोनाय गावनि जान्थाय थामहिनबा 90 मिटरसिम मोनहेनायाव बिथाडा फिन फेलें जादो। पाकिस्ताननो जारिमिनारि महेर सनानि मेडल लाबोनो हानायनि थाखाय गिबि मन्थि नवाजआ गोजोनानै 10 कौटि रं होनो फोसावदो। लोगोसे बिथाडा नदीमनि मुडाव जारिमिन महेर स्पर्टस सिटी खालामनायनि थिरांथा लादो। नदीमनि थाखाय पेरिस अलिम्पिकआव सनानि मेडल देरहायनाय गोम्ले नडांमोन। मानोना बिथाडा क्वालिफाई रण्डआव निरजनि उनावसो जायगा मोन्दोमोन। मोनसे समाव नदीमआ रंखाथि जेनायाव गोम्लेदोमोन। जेराव पेरिस अलिम्पिकआव गोदान जेभलिन बयनायनिफ्राय बिथाडा अन्सायगिरिफोरनिमि हेफाजाव हांखानांदोमोन। नदीमआ कमनवेलथ गोम्स 2022 आब सनानि मेडल देरहायनि उनाव वर्ल्ड सेम्पियनसिप 2023 आब सिलभार मेडल देरहायनि उनावबो रंखाथियारि बिथिडव मिजिथि बादिथै गसंथानो हायाखैमोन।

शिबानी पवारनि केरियारआ बयखौबो गोमो होयो

गोदान दिल्ली, 10 आगस्ट: पेरिस अलिम्पिक 2024 आब भारतनि गेलेगिरिफोर समाथ्यायवोनो दिन्थिफुनो हारो। नाथाय दासिमावबो टिकय अलिम्पिकआव देरहायनाय मेडलजो समानआव सौहेयाखै। रेसलिन फोथारआव अमन शेहवारतआ ब्रन्ज मेडल देरहायनायजो भारतनि मेडल बाशिआव गं 6 मेडल सौफेबाय। निरज आरो आइजो रेसलार भिनेश फगातनि सायाव गोबाडनो मेडलनि मिजिथि लादोमोन। सोलिफु समाव शिबानी पवारआ अन्सायगिरिफोरनि गेजेराव जर'खा जायगा लानानै दड। बिथाडा भिनेशन पाइनालनि सिगां जायखारनायखौ दुखु मोन्नाय फोरमायदो। भिनेश फगातनि जायखारनायनि उनाव शिबानीआबो खौरफोरनि हेडलाइनआव जायगा मोन्दो। मानोना बिथांनि अलिम्पिकनि थाखाय ट्रायल लानायनि सायाव बिबुंथि होनाय बयनिबो गोसोआव सान्दांथि लाबोदो। मध्य प्रदेशआव जोनोम मोन्नाय माहारियारि रेसलिन सेम्पियन शिबानीआ गाहाय थाखोनै नख 'रनिफ्राय रेसलिन फोथारआव जर'खा मुं आर्जिदो। बिथाडा जागायनायव फुटबलनि सायाव गोसो होजेन्दोमोन। नाथाय उननि समावसो रेसलिन फारस गावखौ बाउसोमदोमोन। मोनसे इन्टारभेडनि समाव शिबानीनि बिमाया फोरमायनाय बादिब्ला, फिसाजोनै रेसलिन गेलेनायनि सायाव नख 'रनि सोमोन्दोयारि सुबुंफोर आरो न 'युसेनि सुबुंफोर गोजोन्नाय गैया। जाउनव बिथांमोनहा शिबानीनि हेंथायै माखासे बाश्रा फोरमायदो। नाथाय फिसाजोआ बे गेलेमुखौ जिउजो मोजो मोनो। जाउनव जेखि-जाया थासारियावोनो रेसलिनखो गेलेगोननि थिरांथा लायो। 2021 आब शिबानीआ साथियानि बेलग्रेडआव जालानाय आन्डर 23 वर्ल्ड रेसलिन



सेम्पियनसिपआव आइजोफोरनि 50 कि:ग्रा: आब सिलभार मेडल देरहाय गिबि गेलेगिरि जादोमोन। बिथाडा कानाडयाव वर्ल्ड पुलिस एन्ड फायर गोम्सनि समाव 50 कि:ग्रा: लिखथायाव सनानि मेडलबो देरहादो। बेनि अनगायै सोलिफु बोसोराव एशियाव रेसलिन सेम्पियनसिपआव 50 कि:ग्रा: आब थामथि मासि आवगिनोबो हारो। एशियान सेम्पियनसिपआव बिथाडा खेबथाम वर्ल्ड सेम्पियनसिपनि मेडलिस्टखो फेजेन्दोमोन। शिबानीआ 50 कि:ग्रा: केटेगिरिआव थांनाय बोसोरथामनिफ्रायनो अलिम्पिकनि थाखाय थियारि जादोब्लाबो खाबु मोनाखै। शिबानीआ ट्रायलसनि गेजेरजो नेमखान्थि बादिथै गावनि सायख'जानांगौखौ फोरमायनानै गावनि सायाव लानाय थिरांथानि हेंथायै हेंथा बाश्रा बुडैखौ फोरमायदो। लोगोसे गावजो जालानाय जाथायखौ लानानै जेनायाव गोरलैनो लुबैयाखै होन्ना फोरमायदो।

पेरिस अलिम्पिकआव गं 6 मेडेलजों भारतआ मेडेलनि फारिआव दावख्लायदों

पाकिस्तानआ अलिम्पिकनि सिंगेल इभेन्टआव गंथामल' मेडेल देरहानानै दड

गोदान दिल्ली, 10 आगस्ट: सोलिफु पेरिस अलिम्पिकआव जोबनायनि लामायाव सौफैबाय। बेबादि थासारियावबो मेडेल देरहानायनि फारिआव उन सिगां जानायखौ नुनो मोनो। भारतनि हान्जाया सोलिफु अलिम्पिकआव मिर्जिथि बादिदै दिन्थिफु'नो हायाखै।

मानोना भारतआ दासिमाव गं 6 मेडेल' देरहानानै दड। जायनि फारिआव भारतआ गंसेबो सनानि मेडेल देरहायाखै। बेबादि थासारिआव भारतआ मेडेल टेलीआव आवागानायनि सोलायै फारियै दावख्लायानानैसो फेदों। सोलिफु अलिम्पिकआव भारतआ शूटिनि गुबुन गुबुन इभेन्टआव गंथामल ब्रन्ज मेडेल देरहादों। जेराव भारतनि हकी हान्जाया गंसे ब्रन्ज आरो निरजआ जेभलिन खुबैनायाव सिलभार मेडेल देरहादों। रेसलिनि फोथारआव अमन शेरहावतनि गंसे



ब्रन्ज मेडेल देरहानायजों भारतआ मेडेल बाधिआव गं 6 मेडेल लाबोबाय। पेरिस अलिम्पिकनि 14 थि सान जोबनायजों मेडेल टेलीआव भारतआ गं 6 मेडेलजों 69 थि मासिआव दावख्लायानानै फेदों। गुबुन फासैं आमेरिकानि हान्जाया दासिमाव गं 111 मेडेलजों गिबि मासिआव जायगा

मोनो। आमेरिकआ सोलिफु समाव गं 33 सना, गं 39-39 सिलभार आरो ब्रन्ज मेडेल देरहाबाय। बे फारिआव चीनआ गं 83 मेडेलजों नैथि आरो अस्ट्रेलियाआ गं 48 मेडेलजों थामथि मासिआव जायगा मोनो। दासिमाव चीनआ गं 33 सना, गं 27 सिलभार आरो गं 23 ब्रन्ज

मेडेल देरहाबाय। बे समाव अस्ट्रेलियाआ गं 18 सना, गं 16 सिलभार आरो गं 14 ब्रन्ज मेडेल देरहानानै दड। मेडेलनि फारिआव अस्ट्रेलियानि उनाव जापान आरो ग्रेट ब्रिटेनआ फारियै गं 37 आरो गं 57 मेडेलजों ब्रैथि आरो बाथि मासिआव जायगा मोनो।

पेरिस, 10 आगस्ट: सोलिफु पेरिस अलिम्पिकआव पाकिस्ताननि थाखाय अर्शद नदीमआ जेभलिन खुबैनाय इभेन्टआव जांरिमिनारि महरै सनानि मेडेल देरहाबाय। बिथाडा जेभलिन खुबैनायनि फाइनालआव 92.97 मिटार जान्थायजों अलिम्पिक रेकर्डखौ सिफायदों। जेराव बिथाडा भारतनि निरज चप्राखौ उनाव लाखिदों। अर्शदआ अलिम्पिकनि फाइनालाव बयनिखुइ बांसिन जान्थाय खुबैनाय गेलेगिरि जाबाय। सोलिफु अलिम्पिकआव पाकिस्ताननि थाखाय बिथाडा सिंगेल इभेन्टआव सासेल' सनानि मेडेल देरहानाय गेलेगिरि जानानै दड। बे देरहानायजों बिथाडा पाकिस्ताननि थाखाय सिंगेल इभेन्टआव मेडेल देरहानाय थामथि एथलीट जाबाय। मानोना बेनि सिगां पाकिस्ताननि थाखाय महम्मद बसीर आरो उसेन साहाआवो सिंगेल्स इभेन्टआव



मेडेल देरहाबाय। मुंदांखा थाखाय सिंगेल इभेन्टआव मेडेल देरहानाय गिबि एथलीटमोन।

बिथाडा 1960 नि रम अलिम्पिकआव होबाफोरनि फ्री स्टाइल वेल्टर वेट केटेगिआव ब्रन्ज मेडेल देरहानानै जांरिमिन थिसन्दोमोन। 2011 आव महम्मद बसीरआ रंसारि जाबाय। 1960 आव पाकिस्ताननि हकी हान्जाया भारतखौ फाइनालाव 1-0 गलआव फेजेनानै सनानि मेडेल देरहादोंमोन। गुबुन फासैं सिजल अलिम्पिक 1988 आव उसेन साहाआ ब्रन्ज मेडेल देरहादों। बिथाडा हारनि थाखाय अलिम्पिक मेडेल देरहानाय गिबि बक्सामोन। बै समाव बिथाडा गिबि राउन्डआव बाय मोन्दोंमोन। सेमि फाइनालाव कानाडानि एगर्टन मार्कासदों 1-0 स्करआव जेनानै बिथाडा ब्रन्जजोंनो गोजोन नांदोंमोन। नाथाय नदीमआ टकिथ अलिम्पिकआव फाइनालाव सौहैदोंबलावो मेडेल देरहानो हायाखैमोन।

(□ 1 बिलाइनिफ्राय)

बरपेटा रडआव दुलाराय बर' फरायसा आफादआ सोलौंथायारि सांग्रांथि मेल खुदों

लाखियो। बिएइस फरायसालिमानि लोगो फोरेंगिरि डिपालि केरकातारिआ मानिजाथाव बुंथिगिरिनि बिबुंथियाव सोलौंथायारि सांग्रांथि मेलआव बरपेटारडनि आसाम ब्रिलियान्ट एकाडेमिनि फोरेंगिरि जुनु रानी बड'सा, डूनाचार्य एकाडेमिनि फोरेंगिरि चम्पाबति ब्रह्म, बरपेटारड एजएलसि फरायसालिमानि फोरेंगिरि डू अन्जालि नार्जारीआ मानिजाथाव आलासि महरै बिबुंथि लाखिनाय मेलआव बाक्सा जिल्ला एक्सुनि आफादगिरि उमेश दैमारी, नेहाथारि जय सनण नार्जारी, गेलेमु नेहाथारि कुमुद बर', बरपेटा जिल्ला एक्सुनि बाराग आफादगिरि दिनेस केरकातारिजों लोगोसे गोबां अनजिमानि फुंखा सुबुंफोरनो आलासि महरै बाहागो लायो। मेलनि जगायजेनानायनो बरपेटारड एक्सुनि गहाइ नेहाथारि सोमदोन बसुमथारिआ बराय बिबुंथि लाखियो। मख'नो गोनादि, बिएइस फरायसालिमा, बरपेटारड जिएलसि फरायसालिमा, डूनाचार्य एकाडेमिनि आरो आसाम ब्रियान्ट एकाडेमिनि बर' फरायसाफोर गे सोलौंथाइ सांग्रांथि मेलआव बाहागो लायो। मेलनि सिगां समाव एक्सुनि फिर्फिलाखौ बिरहोनाय जायो। मुंख्लंफोरनोबो बिबार बाडनायजों लोगोसे मोनाबिलि समाव हारिमु मोनाबिलि खुंफुनाय जायो।

उदालगुरि जौमा फरायसालिनि फरायसा ...

हाबाफारिजों जेबो दावराव-दावसि गैयालासे मोजाडैमोजां जोबनानै थांबाय। फुबिलि 10 रिगानिफ्राय लानानै बेलासि 1 रिगासिम कलेजनि सिखवोनो भट होनाय हाबाफारिया जालाडो। बेनि उनाव 2 रिगा जानाय लोगो भट सानाय हाबाफारिया जागानानै 4 रिगायाव थुंगेयो एबा बिसाइख'थिनि गेजेरजों गोबांसिन भट मोनो हाना देरहासात जानो हानाय बिजाथिफोरनि मुंखौ बिसाइख'थि सामलायगिरिया फोसावना होनाय जायो। बेनिनो ग्ल'रियास हान्जानि जानानै बिसाइख'थियाव बाहागो लानाय थामहिनबा उदालगुरि जिल्ला दुलाराय बर' फरायसा आफाद, उदालगुरि दख'रा दुलाराय बर' फरायसा आफाद लोगोसे बरन'गाव काजियामाति दख'रा आफादफोरजों मददथि होजानाय साफ्रोमबो बिजाथिफोरा दिनेनि बिसाइख'थियाव देरहासात जानो हायो। फारियै लोगो आफादगिरिनि मासियाव रिथन मोसाहारी, गहाइ नेहाथारि मासियाव थेमफु दैमारी, लोगो नेहाथारि महरै बेसागु बसुमथारि, हारिमु नेहाथारि महरै सानसुमा खाख्लारी, बाश्रा दान्थे नेहाथारियाव सिमांसा दैमारी, गेलेमु नेहाथारियाव दैमालु नार्जारी, थुनलाइयारि नेहाथारि महरै खोरोमसर बसुमथारि, ससियेल सार्भिस मासियाव आलारि बसुमथारि, Boys आरो Girls Common Room आव रुपनिथ बसुमथारि आरो बारदै ब्रह्म बिथामोनेहा दिनेनि सानाव जोबथा मिनिसाडो। फुबिलि समनिफ्रायनो उदालगुरि जौमा फरायसालिनि फरायसा फरायसुलि बिथामोनेहा गावबा गावनि बेसेनगोसा भटखौ होनो थाखाय आखायाव गावबा गावनि सिनायथि बिलाइजों लोगोसे मुं थिसनलाइ बिलाइखौ लानानै गावबा गावनि बिजाथिनो भट होनायखौ दिनेनि सानाव नुनो मोनाय जायो। गिबि सिन्थाराव गोदानै गुबुन गुबुन थावनि आरो ओन्सोलिफोरनिफ्राय फेनाय फरायसा फरायसुलिफोरनि मुं थिसनयानि जेंना, आन्जानि थाखाय आरज बिलाइ सुफुंनयानि जेंना, फरायसालियाव नुजाथिनो बायदि जेंना आरो गोबां बायदि बायदि बिथामोनेहा लानानै जुथायै खामानि मावलांगोनो मिजिं आरो रादाय होनायजों लोगोसे दिनेनि सानाव सानदुं, अखा नेवसिनानै देरहासात खालामनायनि थाखाय साबायखर बावहरदों देरहासात जानो हानाय साफ्रोमबो बिजाथिया। बेराफारसे दुलाराय बर' फरायसा आफादआ दिनेनि सानाव गोबां मदत होनायनि थाखायबो साबायखर बाडहरदों।

वाइबिवाइनि मास्टर माइन्ड अनिराम बर'आ कौटि-कौटि रां लुथिना खारखुमानानै दड

थांगोनजों बुनायनि उनाव बेजों लोब्बा गोनं सोद्रोमाफोर गोमानो हमदों। बाहायग्राफोर फन खालामनाबो एपजों लोब्बा गोनं देदेनिगिरिफोर जेबो फिन्याय होयाखै। दुलाराय आसाम नाडैनो गामि-सहर सिं सिं बे वाइबिवाइ ट्रेडिं एफआ गोसारदोंमोन। बे एपजों लोब्बा गोनं सोद्रोमाफोर दिन्थिनाय लबआव गोलैनानै दिन-हाजिरा मावग्रांनिफ्राय जागयजेनानै सोलौंथाय गिरिजों, फसंथाय गोनं गोबां सुबुंफोरनो गं बाहायदों। नाथाय हरखाबनो बे एपजों लोब्बा गोनं देदेनिगिरिफोर गोमानो हमदों। एपजों सोरिजग्राफोर थगायनानै सुबुंफोरनिफ्राय गं बख'दोंमोन। मिबथिनो मोनाय बादिब्ला, बे एपखौ आसामाव गायसन्नायाव एनडिएफबिनि बाराग दैनेगिरि अनिराम बसुमथारिआनो गहाइ बिफाव लादोंमोन। बिश्वनाथ जिल्लानि गहपुरु महकुमानि मिलन नगरनि थागिबि अनिराम बसुमथारिआ बे एपनि गेजेरजों गोबां बिबानि रां थगायनानै आथिखालाव आसामखौ गानानै बबेबा जायगायाव खारखुमानानै दड होना मिबथिनो मन्नो। वाइबिवाइखौ आसामाव गायसन्नाय अनिराम बसुमथारिआ कौटि-कौटि रां बिगोमा जादोंमोन। बसुमथारिआ वाइबिवाइनिफ्राय गं बिलाटि गारि मोन्दोंमोन। गिबि थाखौआव बे एपनि थांखिआ फोरेंगिरिफोरसोमोन। फोरेंगिरिफोरखौ थांखिनानै एपखौ बाहायना रां खामायनायनि खाबु होनाय जादोंमोन। खम साननि गेजेरवोनो फोरेंगिरिफोरनि मबाइल मबाइल वाइबिवाइ ट्रेडिं एपआ गोसारदों हमदोंमोन। उनावहाय लासेनो फोरेंगिरिफोरनिफ्राय गामि आरो सहर ओन्सोलावबो गोसारलादोंमोन। एपआव सासे रां बाहायगिरिआ गुबुन सासेखौ सोब्लानो रां मोनो हादोंमोन, जायनि थाखायनो खम समनि गेजेरवोनो वाइबिवाइआ बयजोंबो अन्सायजादोंमोन। जायगा जायगा बेनार पस्टर लागयनानै वाइबिवाइआव रां थिसनो थाखाय राइज्योफोरखौ थुलुगांखों होदोंमोन। गहपुरु, नारायणपुर, बिश्वनाथ सारिआलि गोदोसोनय ओन्सोलाफोरव वाइबिवाइ फिसा फिसा मावख'फोर सोमजिदोंमोन। बे एपआ बन्द' जानाय लोगो लोगोनो हरेसिने गेजेरवोनो बेफोर मावख'फोर गोमानो हमदों। बेजों लोगोसे तेजपुर आरो गुवाहाटी बेलाटि रिजटफोरव मेल लिंथुमनानै एपआव रां बाहायनो थुलुगा होदोंमोन। बेजों लोगोसेनो गिबि मन्थिनि दै बानानि हेफाजाबआरि फान्डआवबो बे एपनिफ्राय हेफाजाबआरि रां हराय जादोंमोन। खौरां बिजोंआवबो बेनि सोमोन्दै फोसावनाय जादोंमोन, जायनि थाखाय राइज्योफोर बे एपखौ फोथायदोंमोन। माखासे रां थिसनग्राफोरनो गारि, मर सडकेल, मबाइल बायदि राना होनानै थुलुगांखों होदोंमोन। जोबथासनायाव वाइबिवाइआव रां थिसनो थाखाय राइज्योफोरखौ थगायमाखाय। एपआव गावनि वालेटआव थानाय रंखौ दिहूनो थाखाय फिन केवाइसिनि मुखव 6,000 रां वाइबिवाइआ बिफिन्यायखौ नुनो मोन्दों, जायनि थाखाय दिने गोबां लाख लाख वाइबिवाइ ट्रेडिं एप बाहायग्राफोर हालाय-हाफाय जानादों। वाइबिवाइनि गायसन्गिरि अनिराम बसुमथारिखौ नागिरिनानै रां थिसनग्राफोर हालाय-हाफाय जानादों। रां थिसनग्राफोर मुलाम्फा मोनाब्लोबो गुबै रंखौ मोनफिनब्ला हामगो होना मिजिं फोरमायदों।

(□ 1 बिलाइनिफ्राय)

बागानपारा इउएन एकाडेमिया...

बिगियान आयदाजों सोमोन्दो थानाय गावबा गावनि आखाइजों बानायनाय मुवाफोरखौ आरिमु आरो बिगियान दिन्थिफुंनय हाबाफारिनि जोहै दिन्थिफुंनो। फरायसाफोरनि बे आरिमु आरो बिगियान दिन्थिफुंनय हाबाफारिखौ बेखेवनानै होयो बाक्का जुनिबर कलेज बागनपारानि लेखइ गोरारु जमेस जोहोलाव सर्गियारीया। बे बेखेवनय हाबाफारियाव बाहागो लानानै बिथाडा फरायसाफोरनि बेफोरबादि आरिमु आरो बिगियान दिन्थिफुंनय हाबाफारिया बाखनायजाथाव जादों होनानै फोरमायनायजों लोगोसे बे बायदि हाबाफारिफोरा फरायसाफोरखौ सोलौंनय फारसे थुलुगानाय लाबोगोन आरो फरायनाय बिथिंआव दावगा लांहोगोन होत्रानै बुंथियो। लोगोसे बागानपारा इउ एन एकाडेमिनि गोरारु मिजिं रानि लाहारिया बे आरिमु आरो बिगियान दिन्थिफुंनय आयदाजि गेजेरजों फरायसाफोरनि गेजेराव थाखुमानानै थानाय रंगीथिखौ संदानाय आरो फरायसाफोरखौ सोलौंथाइ बिथिडव थुलुगां खांहोनाय थांखिजोंनो बे आरिमु आरो बिगियान दिन्थिफुंनय हाबाफारिखौ लानाय जादों होत्रानै मिथिहोयो। बे आरिमु आरो बिगियान दिन्थिफुंनय हाबाफारियाव इउएन एकाडेमिनि बागानपारा फरायसालिनि फरायसाफोरनि जोथोनगिरि बिमा बिफाजों लोगोसे बागानपारा ओन्सोलिनि माखासे फरायसालिनि फरायसाफोरखौबो बाहागो लाफेनायखौ नुनो मोनो।

22 नं कक्लाबारि वियावआव..

लुफुंजानाय भिसिडिसि भवनखौ बेखेवनानै होयो 22 नं कक्लाबारि वियाबनि एमसिएलए मन्तु बर'आ आरो बाडन्डारि वालखौ बेखेवनानै होयो कक्लाबारि ब्लक इउपिपिएलनि आफादगिरि बिजु बरकछारि बिथाडा। बेनि अनगायैबो बे हाबाफारियावनो मिथिंगायारि सरेखाथिनि थाखाय बिफां फुलि गाइनाय हाबाफारिबो लानाय जादों आरो बिफां फुलि गायनायखौ मावफुंनानै होयो कक्लाबारि ब्लक इउपिपिएलनि नेहाथारि मन्तु गोरारु बिथाडा। बेजों लोगोसे 22 नं कक्लाबारि वियाबनि सिखव थानाय गुबुन गुबुन भिसिडिसिफोरनि मासिगिरिफोर, सोद्रोमाफोर आरो ओन्सोलिनि गुबुन गुबुन समाजारि बिथिखव हाबा मावबोनाय बिथामोनिनु नुजाथिनायाव बे हाबाफारिया मेहर गोनाडैजानानै थाडो। मख'नाय जायोदि, 17 बेसोर सरकार सालायबोनायनि उनावबो बिपिएफ दोलोआ बेफोरबादि राइज्योनि सुबिदानि थाखाय, राइज्योनि सोमोन्दोखौ लाखिनो थाखाय भिसिडिसिनि थि मावख' लुनाय जायाखेमोन। नाथाय दिनेनि दिनाव राइज्योनि सुबिदानि थाखाय, राइज्योनों जेब्लायबो लोगोरि एबा सोमोन्दोखौ गोरलैयैनो लाखिनो हानायबादि इउपिपिएल दोलोआ गुबुन गुबुन भिसिडिसिफोराव भिसिडिसि भवन लुनाय जाबाय आरो गुबुन गुबुन सुलादनि थाखाय, सोरबिथिडरि हाबानि थाखाय बे मावख'आ जोबोर खामानि होगोन होनानै 22 नं कक्लाबारि वियाबनि एमसिएलए मन्तु बर' बिथाडा खौरां गिरिनि गेजेरजों फोरमायो। आसाम केबिनेटआव थांखि आजावनाय बायदियै बिटिआरनि दफाफोरनि गेजेरवोनो थानाय गामि सोसन्नाय बेखौ फेगौ 15 आगस्ट एबा भारत उदसि सानखालि आबुडेफोसावनाय जागोन आरो थालानाय गासै गं थाम गामिनिखौबो आसाम सरकार आरो बिटिआर सरकारआ मावफुंनो खामानि मावदों आरो बेबो थाबेनो मावफुंजालांगोन होनानै एमसिएलए बिथाडा खौरां गिरिनि गेजेरजों फोरमायबावो।

कक्राझार थाना सेरनि शिव..

शिभ मन्दिरआव बायदि मुवा-बेसादफोर खाना लांनयखौ लानानै सहरहआव गोखौ फिनजाथाइ सोमजिदों। मिबथिनो मोनाय बायदिब्ला, कक्राझार थानानि लांगोनयाव थानाय कालि मन्दिर आरो शिव मन्दिरआव दिने सोरंसि समनि 3:30 रिगासो समाव सिखावआ कालि मन्दिरनि दान बागसुनि तालाखौ सिफायनानै रंखौ लानानै थाडो। बेजों लोगोसेनो खालि मन्दिरजों नांजाबनानै थानाय शिव मन्दिरनि लहानि दान बागसुखौबो सिखावआ दिखानानै लानानै थाडो। जायखौ दिने थानानि साखाथिनि ट्रेकार स्टेन्डिनिफ्राय बोखानो हानाय जायो। मख'नो गोनादि, बेनि सिगांभो थानाय 24 जुलाइयाव कालि मन्दिरआव सिखाव खावनाय जाथाइ सोमजिखांबाय। मन्दिर कमिटिआ बेनि सोमोन्दै गसरलाइ होदोंमोनब्लोबो पुलिसआ सिखावखौ हमनो हायाखै। बेबादिनो थानाय 25 जुलाइयावबो कक्राझार सहरनि गेजेरवोनो थानाय हनुमान मन्दिरआवबो सिखावआ उदखार खालामखानाय। बेबायदि बिथिखव ओन्सोलिनि राइज्योफोर कक्राझार सहरआव लांथिथ्ये नोगोरारिफोरनि थाग्रा न', मन्दिर बायदिफोराव अदखार जाथाइखौ लानानै पुलिसनि बिबान सामलायनायनि सायाव गेदेर सौंथि दिखदों। बेफोरबायदि दायजों लोब्बा गोनं सिखावखौ पुलिसआ दिनेसिमबो मानो सासेबो हमनो हायाखै बेखौ लानानै राइजो-राजाफोर रागा जोंखदों।

(□ 1 बिलाइनिफ्राय)

बांग्लादेशनि गुबुन गुबुन आफादफोरा शेख हासिना आरो बिनानावखौ हमनो थाखाय ...

बिनानावखौ हमनो थाखाय बांग्लादेशनि गोजैसिन बिजिसालिनि बार एससिएसनि आफादगिरि एएम माहबुब उद्दिनाआ दाबि दिखदों। भारतनि गहाइ मन्थि नरेन्द्र मदिखौ थांखिनानै शेख हासिना आरो बिनानाव शेख रेहानाखौ थाबेनो हमनानै बांग्लादेशआव दैथाइहरनो राहा खालामनांगो होना दाबि देखदों। भारत आरो बांग्लादेशनि सोमोन्दोनि बाश्राखौ मख'नानै भारत आरो हादतनि सरसनखा सुबुंफोरनि गहाम सोमोन्दो लाखिनो लुबैयो होना उद्दिनाआ फोरमायदों। बेनिखायनो हादत गारनानै खारलानाय गहाइ मन्थि हासिना आरो बिनि बिनानावखौ हमनानै गावसोरनि हादतआव दैथाइहरनो खावलायो। हासिनाखौ सुबुं बुथाया बिमुं होनानै बार एससिएसनि आफादगिरिआ बेबादि सुबुं बुथाया दैदेनिगिरिखौ भारतआ थानो जायगा होनाया जोबोद दुखुंनान्थाव बाश्रा जादों होना मख'दो। मख'नो गोनादि बांग्लादेशनि मासि एंगारनाय गहाइ मन्थिआ इउपजों लोगोसे गोबां हादतआवनो राजखान्थियारि जियथ'नो जायगा नागिरिदोमोनब्लोबो रावबो हादतआनो हासिनानो थथ'नो जायगा होनो रजि जायाखै। गुबुन फासैंथि, शेख हासिनाखौ भारतआव थानो जायगा होनायनि थाखाय हासिनानि फिसाज्ला सजिब वाजेद जयआ भारत सरकार एबा गहाइ मन्थि नरेन्द्र मजिनिसिम साबायखर बावयो।

गसाइगाव ओन्सोलनि बयजोंबो मिबथिजानाय समाज सिबियारि आरो जाफुंसार फालांगिरि...

माजित बसुमथारिनि रंसारि जानाय खौरंखौ मोनाय लोगो लोगो गसाइगाव ओन्सोल नाडै दुखुनि साया साग्लोबदों। बिथानि रंसारि जानायवाव बिटिआरनि गहाइ मावफुं सोद्रोमा प्रमद बर', आसामनि केबिनेट मन्थि उखव गोरा ब्रह्मजों लोगोसे गुबुन गुबुन आफाद, गौथुमफोरनि देदेनिगिरिफोर गोथीयै दुखु मोनाय फोरमायदों। दिने सोनाब बंग फिलिफोरनि देहा फाहामसालिनिफ्राय बिथानि जिउ गैयै गोथै सहरखौ न'आव लाबोनायनि उनाव धोरेमनि नेमखांथि बादिदै जोबथा बिदाय होनाय जायो।

धुबुरी पुलिसआ फोरमानलाइ गैयालासेनो भारतआव हाबफेनाय सानै बांग्लादेशिखौ हमदों

जिल्ला जोबथेसालियाव ब्रै दाननिफ्रायबो बांसिन सम सानै बांग्लादेश लाइमोन सिखलाफोर जोबथेसालियाव जोबजानानै दड। मख'नो गोनादि, बे लाइमोन सिखला सानैखौ बिलासिपार पुलिसआ थानाय 27 मार्चनि 7 रिगासोआव काजाइकाता ओन्सोलनिफ्राय हमदोंमोन। मिबथिनो मोनाय बादिब्ला, बिलासिपारा पुलिसआ राइज्योफोरनिफ्राय खौरं मोनानै मख'जानाय जायगानिफ्राय बिसेर साथामखौबो हमनार्य जादोंमोन। पुलिसनि आखाइयाव हमजानाय बांग्लादेशि सिखला सानैनि मुख जाबाय- सार्मिन आक्टर (23) आरो सुपिया आक्टर (24)। मिबथिनो मोनाय बादिब्ला सानैबो बांग्लादेशि सिखलाया आसामनि बडइगाव जिल्लानि जगिघपा थानानि बेंखनाव थानाय गरया सेथि खोन्दोनि रफिखुल इस्लाम (23) मुनि लाइमोनजों समाजआरि बिजोनि गोजेरजों सिनायथि लायो आरो बेनि उनावनो सिखलाया रफिखुलखौ लोगो हमनो फोरमानलाइ गैया लासेनो भारतआव हाबफेयो। बिलासिपारा पुलिसआ 73/24 नाम्बानि मोनसे गसर थिसनानै नायबिजिसरनयाखौ जागयजेना गसरनि जोबथा अजदलाइखौ बिजिसालियाव गथायो। बिलासिपारा पुलिसआ नायबिजिसरनयानि गेजेरजों लाइमोन सिखलाफोरनि हेंथायै सिमना बारनायनि आयेन 14 (ए) आरो आर डब्लिउ 6 (ए)/ 3 सिमना बारनाय (भारतआव हाबफेनाय) धाराआव गसरनि अजदलाइखौ बिलासिपारा महकुम बिजिसालियाव गथायो बेजों लोगोसेनो रफिखुलनि बेरेखायैबो पुलिसआ 14 (सि) सिमना बारनाय आयेननि दफा सिडव हमफायो। बिलासिपारा बिजिसालिनिफ्राय जामिन मोनानै रफिखुलआ उदां अखानि सिडव फेनो हायो। नाथाय हमजानायनि ब्रै दान बारलानायनि उनावबो नख'रनि रावबो गैथेनि थाखाय बांग्लादेशनि लाइमोन सिखला सानैआ दासिमबो गआखै।

15 आगस्टनि सिगां बिटिआर गोरोरथानि 6.3..


खालामनो हायैआव रागा जोंखानानै बेबादिनो सौंथि देखाडो। दुलाराय बिटिआर सरकारि नडै फरायसालि खौसेथि आफादनिफ्राय फेगौ 15 आगस्ट उदसि सानखालि बिटिआर गोरोरथानि 6.3 दफा बादिदै सरकारि नडै फरायसालिफोरखौ सरकारि खालामनो फोसावनो थाखाय सरकारि खाथियाव दाबि देखानायखौ नुनो मोन्दों। बिब्दि खालामाब्ला 16 आगस्टनिफ्रायनो 1 सप्ताह पेनडाउन हाबाफारि लानाय जागोन होना आफादआ रोखा फोरमायथिदों। बेजों लोगोसेनो 22 आगस्टनिफ्राय जागयजेनो गोनं आसाम बिधान सभानि बाजेड जथुमयाव बिल पास खालामनोबो दाबि देखाडो। मख'नो गोनादि, बिटिसिआव गासै गं 1363 सरकारि नडै भेन्सर फरायसालिफोर दड आरो बे फरायसालिफोरव गासै सा 6274 फोरेंगिरिफोर फोरेंथाय होगासिनो। बेनि गेजेरव गुदि फरायसालिनि अनजिमाया गं 1207 आरो बेवहाय गासै सा 3950 फोरेंगिरिफोर हाबा मावगामिनो दड। गोजौ फरायसालिनि अनजिमाया गासै गं 125 आरो बेवहाय फोरेंगिरि अनजिमाया गासै 1382 आरो सेनियर सेकेन्डरि फरायसालिनि अनजिमाया गासै गं 16 आरो बेवहाय गासै सा 627 फोरेंगिरिफोर दड। दुखुंनान्थाव बाश्रादि गोबां फोरेंगिरिफोरनो दिनेसिमबा जेबो दान बान्था मोनालासेनो आजिर मोनायजों लोगोसे गोबांआनो जिउ गोमालांबाय आरो बे समाव बिटिआर गोरोरथानि 6.3 दफाखौ सरकारआ मानफुडब्ला फोरेंगिरि खौसेथि आफादआ गोखौ महरै सुबुंखांथिआरि सोमावसारनो राहा लागोन होना हुमखि होनायखौ नुनो मोन्दों।

पुलिसआ हा जावनानै रां आरो फेग्रा मुवा ...

बायदि हा सिनिफ्राय लाख-लाख रां बोखानो हायो। पुलिसआ जरखा सुलुनिफ्राय खौरं मोनानै हा जावना रां आरो ड्रगसखौ बोखानो हायो। नगाव पुलिस बिफानआ गासै 3,50,000 लाख रांजों लोगोसेनो मोनब्रै बागसुनि ड्रगस बोखानो हायो। बोखानो हानाय ड्रगसजों लोगोसे पुलिसआ सासे आइजो आरो सासे फालांगिरिखौ हमनो हायो। हमजानाय आइजोनि मुंखौ रहिमा खातुन आरो आफाज उद्दिन होना मिबथिनो मोन्दों।

'दा डायरि अफ वेस्ट बेंगल' सावथुनआ थाबैनो रिलिज जासिगोन

बांग्लादेशी आर्थिखालाव गसिबो हादतआवनो सावरायनायनि जाहोन जाना फेदों। बेवहाय हिंसायारि जाहोननि थाखाय हिन्दुफोरनि बेरेखायै लाश्रियै गाग्लोबनाया सोलिगासिनो दड। बे बायदि सैथो जाथाइखौ सावथुनआव जे ब्लाबो दिन्थिनाय जाखांबाय। 'दा काश्मिर फाइल्स' सावथुनआ बेनि बयनिखुइ देरिसिन बिन्दिन्थि। भिभेक अग्निहत्रिनि बे सावथुनआ रिलिजनि सिगां आरो उनावबो कन्ट्रभासिजों मोगा-मोगि जानादोंमोन, नाथाय बक्स अफिसआव बेनि रेकर्डआ मोजाडै थादों। बेनि गेजेरजों दा वेस्ट बेंगलनि सायाव बानायनाय मोनसे सावथुनआ बे दानआव रिलिज जानो थाखाय थियारि



जाबाय। बे सावथुनआव गोदान फावखुंमि ममता चौधुरीआ ममता बेनाजिनि फावआव नुजाथिगोन। डायरेक्टर सनज मिश्रानि सावथुन 'दा डायरि अफ वेस्ट बेंगल' आ बेंगलनि सैथौ जाथाइनि सायाव बानायनाय सावथुन जागोन, जेराव सोनाब बेंगलआव गोसायनाय हिन्दुफोरनि सायाव हिंसा, लाभ जिहाद आरो आयनेनि थेर-बेथेर जानायखौ दिन्थिनाय जागोन। अदेबानि सोनाब बेंगलनि सुबुंफोरनि जेनाफोरखौ गिदिर पर्दायाव दिन्थिनाय जागोन। डायरेक्टर सनज मिश्राआ बेनि सोमोन्दे बुंदोंदि, जों बे बायदि खस्टजों बे सावथुनखौ बानायदों, बेनिफ्राय बांसिन खस्टजों बेनि रिलिज खालामनायाव खालामनादों। सावथुनआव माखासे सिनाओ औरैबायदि दड जायखौ रिश्ट खालामनो गोनां जादों। जों सावथुनखौ सेन्सर

बर्डआव सिगांआवनो रिभिडनि थाखाय हरदोंमोन, जेराव जों गोबाव समसिम नेनांनो गोनां जादोंमोन। नाथाय गमामायैनो जोंनि सावथुनआ फारफ्रोमथिजायनिफ्रायबो रिलिजनि थाखाय ग्रिन सिगनेल मोनबाय। 10 आगस्टआव बे सावथुनआ सिनेमालफोराल रिलिजनि थाखाय शेडयुल खालामनाय जादों। मिबथिहोनाय जादोंदि, सावथुननि रिलिजनि थाखाय मेकासफोरा जोबोर खस्ट खालामनादोंमोन। गिबियाव सेन्सर बर्डआ बे सावथुनखौ रिलिज खालामनो थाखाय साटिफिकेट हो आखेंमोन। सावथुननि गाहाइ फावगिरिफोरनि गेजेराव ममता चौधुरीनि अनगायैबो दिपक सुथारआबो थागोन। दिपकआ सेल्वेशन एट सानराइज' लोमोसे माखासे सावथुनफोरानबो बाहागो लाखांबाय।

आरमान मालिकआ रणबिर आरो कृतिकानि सायाव रिक्शन होदों



जेब्लाबो गावनि बिसिफोर आरो फिसाफोर बायदि आखु खालामो आरो बिथाड जेबो गाजि सान्नाय गैया। गिबि बाश्रायाथ' नोंथांमोननि सान्नाय आरो मेनगनिन नोजोरआ गाजि। बै सुबुड 52 बोसोर बैसोनि। बिथाडा जेब्लाबो गावनि फिसाफोर बायदि आंखौ आरो कृतिकाखौ टिट खालामदों। जेब्ला कृतिका आ न'आव थांगासिनो दडमोन, अब्ला बे सुबुड गोखैयै सिखारना फेदोंमोन आरो कृतिकाखौ गोबादोंमोन आरो नोंथांमोनहा नुदों जानांगों, जे बलिउडआव बेसेबां गिदिर गिदिर सुपास्टर दड, जाय गोबालायो, साइड हाग खालामो। मिबथिहोनाय जादोंदि, आरमानआ स्व'आव भिशाल पाडेखौबो सोबादोंमोन आरो बै जाथाइखौ सशेल मिडियाआव गोवां लाइमलाइटआव थादोंमोन। अदेबानि भिशालआ स्व'आव कृतिकाखौ लानानै कमेन्ट खालामदोंमोन, जायखौ रगा जोंनानै आरमानआ बिथानि सायाव आखाय दिखादोंमोन।

'आभतार' फ्रेन्चाइजिनि नैथि सिक्वेलनि मुं आरो रिलिजनि अक्टखौ फोसावबाय



बिज्ञानि सायाव बानायनाय जेम्स केमरुनि सावथुन 'आभतार' नि सल'आ नायगिरिफोरनो मोनसे जुदा मुलुगनि नुथाइखौ दिन्थिदों। 2009 माइथायाव गिबि खोन्देखौ आरो 2023 माइथायाव नैथि खोन्देखौ रिलिज खालामनाय जादों। अदेबानि आर्थिखालाव मेकासफोरा 'आभतार' सावथुन फ्रेन्चाइजिनि गुबुन सिक्वेलनि मुं आरो रिलिज अक्टखौ फोसावबाय। आभतार सावथुनआव 22थि जौथाइयाव पेन्डर ग्रहआव थाग्रा थागिबिफोरखौ दिन्थिनाय जादों। बेयाव थाग्रा सुबुंफोरखौ नाबि बुडो। बिसोर बैसोर सुबुंफोर, जायहा आबा जायफोरनि आखुथाया सरसन्हा सुबुंफोरनि बायदि नड एसे एलादा। निला देहो बा मोदोम, गिदिर गिदिर मे गन, मोखानि बादि लान्जाइ आरो गोजौ जायो। बिसोर नाबिफोर गावसिनि ग्रहआव आरामे आरो शान्तिथै थायो। सावथुननि नैथि खोन्देनि जेबनायाव तेक आरो नेयतिरिनि देरिसिन फिसाज्ला थैनायखौ दिन्थिनाय जादों। थामथि खोन्देनि सल'आ बेखौ लानानैनो जागायगोन। 'आभतार: दा वे अफ वाटर' आव आरडिनि पेन्डरआव फेफिनायनि उनाव नाबि आरो मानसिनि गेजेराव खमलायनायखौ दिन्थिनाय जादों। सावथुननि जेबनायाव जेक आरो नेयतिरिआ दैनि सिडव थांनायनि जाहोनाव गावसालायो। अदेबानि दा थामथि खोन्देनि सल'आव जेक आरो नेयतिरिनि 'एश पिपल' जों खमलायनायखौ दिन्थिनाय जागोन। सावथुननि फेगौ खोन्देनि टाइलेखौ एनाउन्स खालामनाय जाबाय। 'आभतार' नि फेगौ सावथुनआ 'आभतार: फायर एन्ड एश' आव माखासे गोदान फावगिरिफोर थागोन। पेन्ड'शनि मुलुगखौ आरोबाव मोजाडै दिन्थिनाय जागोन। जेक आरो नेयतिरिखौ बैसोर सुबुंफोरजों खमलायनायखौ दिन्थिनाय जागोन। आभतार सावथुन फ्रेन्चाइजिआव 'गेम अप थ्रन्स' नि फावखुंगुर चेपलनिनि एन्ट्रि जागोना रोखा जादों। बिथाडा 'एशा पिपल' गुपनि लिडार 'बरंग' नि फावआव नुजाथिगोन। बेनि अनगायैबो डेविड थेबलिस आरो माइकेल योहआबो सावथुनआव एन्ट्रि जागोन। सावथुनआ 19 डिसेम्बर, 2025 आव रिलिज जागोन।

गाहाम देहानि राहा

जाखांनयनि उनाव थाइबेंनि बेगर जानाया माखासे बेरामफोरनि थाखाय मुलाम्फा गोनां

थाइबेंखौ सावसिनि थाखाय जोबोद मुलाम्फा गोनां होना मानिनाय जायो। थाइबें जायोब्ला देहायाव दैनि आंखालखौ सुफुंनो हायो। थाइबेंनि बेगर जानायाबो गोनां मुलाम्फा होयो। थाइबेंनि बेगरफोरखौ हाथाइयाव गोरलैयैनो मोनो हायो। जुदि नोंथाड लुबैयो गोरलैयैनो न'आवबो गोमोन थाइबेंनि बेगरफोरखौ मोनो हायो। थाइबेंनि बेगरफोरा सुपा र बे गर फो र आव सोफादेरजानाय। थाइबेंनि बेगरफोराव हाइड्र'एलकहलिक आरो बुटानलिक कम्पाउन्डफोर थायो, जाय सावसिनि थाखाय माखासे मुलाम्फा होयो। थाइबेंनि बेगर जानायनि मुलाम्फाफोरा जाबाय-



2. डाइजेसनखौ सावसिन खालामो: थाइबेंनि बेगरफोरा हजम जानायनि जेनानिफ्राय बारग'नायाव मदत खालामो। थामहिनाय, जुदि नोंथाहा कनस्तेशननि जेना दडब्ला आदाराव थाइबेंनि बेगरफोरखौ सोफादेरनो हागोन। थाइबेंनि बाजआव गोबां फाइबर थायो। बेनि बाहायनाया आनि खारनायखौ सावसिन खालामो आरो कनस्टिपेसनखौ बाडय खालामो। जुदि नोंथाड लुबैयो, थाजिम थाइबेंनि बेगरफोरखौ जानो हागोन। नोंथाड बेफोरखौ बिदै एबा स्मुदी बानायनायबो लोंनो हायो। 3. बिगुर आरो खानाइनि थाखाय मुलाम्फा गोनां: थाइबेंनि बेगरआबो बिगुर आरो खानाइनि थाखाय मुलाम्फा गोनां। नोंथाड बेफोरखौ मोखाडव क्रिम महरै बाहायनो हायो। थाइबेंनि बेगर आरो बिगुरखौ हाइड्रेट खालामनो बाहायनो हायो। बेयो मोखानि जौनायखौ बांहोयो। सेलाइन बेगरफोराव मोन्याय भिटामिन आरो खनिजफोरा खानायनि थाखाय टनिक महरै खामानि मावो। 4. खुगानि मोनामनायखौ बोखारो: थाइबेंनि बेगरफोराबो खुगानि सावसिनि थाखाय मोजां होना मानिनाय जायो। बेयो खुगानि मोनामनायखौ बोखारो। थाइबेंनि बेगरफोराव एन्टिबैक्टेरियल गुदिमुवा थायो, जाय खुगानि मोनामनाय आरो गुहाखौ बाडय खालामो। थाइबेंनि बेगरफोरखौ जानायव माउथ फ्रेशनर बायदि खामानि मावो। 5. इउटिआइआव मुलाम्फा गोनां: थाइबेंनि बेगरफोराबो इउटिआइआव मुलाम्फा गोनां। गोबाव बेगरफोरा देहाखौ हाइड्रेट खालामो आरो पिएइसखौ समानिथि खालामनायाव मदत खालामो। थाइबेंनि बेगरफोरा एन्टिमाइक्र' बियाल, जाय जायखि जाया सन्देरनायजों जुजिनायाव हेफाजाव होयो। बे बेगरफोरनि गोहोमा गुसु, बेनिखायनो इउटिआइ सन्देरनायनि बेलायाव नोंथाड बेफोरखौ आदाराव सोफानो हायो।

अभिषेक बच्चनआ निरज चप्राखौ गोबानानै हामलायथि होदों



पेरिस अलिम्पिक 2024 आव निरज चप्राआ जेभलिन थ्रआव सिल्भार मेडेल देरहादोंमोन आरो गावनि मुंखौ अलिम्पिकनि जाग्गिनाय जाया आवगिरो हादोंमोन। हादतनाडै निफ्राय बिथाडा हामलायथि मोन्दोंमोन। सयसन्हा सुबुंफोरनिफ्राय लानानै सेलिब्रिटिफोराबो निरजखौ देरहासाद जानायनि थाखाय हामलायथि हरदों। नि रजआ गल्ड मेडेल देरहानायनिफ्राय फेलेम जादोंमोन, नाथाय सिल्भार मेडेल देरहानानैबो बिथाडा फिन खेबसेबाव गासैबो हादतआ

गोजान जेभलिन खुबैनायै सिल्भार मेडेलखौ गावनि मुं खालामनो हादोंमोन। बादायलायनायनि उनाव बिथांखौ फिफिलि बिरहोनाय नुनो मोन्दों। बेनि गेजेरजोंनो बिथाडा अभिषेक बच्चनजोंबो लोमो हामदों, जाय बिथाडा बिथानि देरहानायाव हामलायथि होदोंमोन आरो गोहो बारायदोंमोन। निरजनि मोखाडव मिनिनाय नुदोंमोन, जाय बे बाश्रानि सायाव फोरमान होदोंमोनदि, सिल्भार मेडेलआ बिथानि थाखाय गल्ड मेडेल बायदिनो। लारा दत्तआबो पेरिस अलिम्पिक गेमखौ लाइभ नायदों। बिथाडा स्टेडियमनि भिडिअबो शेरार खालामदों। निरज चप्राया जेब्ला गावनि फारियाव एन्ट्रि लादोंमोन, अब्ला बिथांखौ नुनाय लोमो लोमोनों होंगो-दोंगो सुबुंफोरा बिथानि मुंखौ गोबावै गावजिदोंमोन।

पेरिस अलिम्पिक 2024 आव रेसलार अमन सेहराबतनि देरहानायाव बलिउडनि सेलिब्रिटिफोरा रंजादों

बे बोसोराव अलिम्पिक आव भारतनि गेलेगिरिफोरा गावनि खास्ट खालामनाय आरो रोंगोंथिजों हादतखौ गोग्गाथाव खालामदों। पेरिस अलिम्पिकआव भारतनि बाहागोआव गं 6 मेडेल सौफेबाय। दासिम भारतआ गंवा ब्रन्ज मेडेल आरो गंसे ब्रन्ज मेडेल मोनो हाबाय। बावैसो सिगां जानाय रेसलिं मेचआव गिबि ब्रन्ड मेडेल देरहानानै अमन सेहराबतआ जाग्गिनि सोरजिदों। माखासे सम सिगां बोलोनि खमलायनायाव भिनेश फ गटआ फाइनलआव सौहैदोंमोन, नाथाय 100 ग्राम बाडाइ लिस्थाइनि जाहोनाव बिथांखौ डिस्कवालिफाइ खालामनाय जादोंमोन, जायजों सेलिब्रिटिफोराबो जोबोर दुखु मोन्दोंमोन। अदेबानि रेसलिंआव अमानआ ब्रन्ज मेडेल देरहानो हानानै हादतनि सुबुंफोरखौ गोजोन होदों। सेलिब्रिटिफोरबो अमननि देरहानायाव रंजादोंमोन। सामन्थ रथ प्रभुआ हकि टिमनि



ब्रन्ज आरो निरज चप्रानि सिल्भार मेडेल देरहानो हानायाव हामलायथि हरदोंमोन। बिब्बियाव अमन सेहराबतखौ बिथानि देरहानायाव माबोरै हामलायथि हर लासै थानोमोन। भारतनि फिफिलि बिरहोनायजों अमननि सावगारि शेरार खालामना सामन्थाआ बिथांखौ हामलायथि हरदों। दिपिका पादुकनआबो अमन सेहराबतनि देरहानायाव इनस्ट्रग्राम स्टिरियाव हामलायथिनि पस्ट खालामदों। करिना कापुर खानआबो बिथांखौ हामलायथि हरदों। हुमा कुरैशिआ हामलायथि हरनायनि गेजेरजों अमन सेहराबतखौ स्टर होन्ना मिबथिहोदों। कंगना रनौतआबो

सन्जय दत्तनि फिसाजो त्रिशला दत्तआ 36थि जोनोम सान फालिदों

बलिउडनि फावखुंगुर सन्जय दत्तनि फिसाजो त्रिशला दत्तआ आर्थिखालाव इन्डास्ट्रिआव आगन होथआखै, नाथाय बिथाडा रावबो फावखुंगुरिफोरनि खम नड। त्रिशलाआ सशेल मिडियाआव जोबोर एक्टिभ थायो आरो बेवहाय बिथानि मोजां पेन फलईबो दड। दिने 10 आगस्टआव त्रिसलाआ गावनि 36थि जोनोम सान सेलिब्रेट सन्जय दत्तआ गावनि फिसाजोनि उन्दैनि मोनसे सावगारिखौ सशेल मिडियाआव शेरार खालामनानै गावनि अनसुलि



फिसाजोखौ जोनोम साननि हामलायथि होदों। फावखुंगुरनि अन्सायगिरिफोरबो बिथानि बे पस्टखौ जोबोर मोजां मोन्दों। सन्जय दत्तआ गावनि सशेल मिडिया हेन्डेल इन्स्टग्रामआव मोनसे गोजाम सावगारिखौ शेरार खालामदों, जेराव उन्दै

त्रिशलाआ गावनि बिफाजों बामजाना गार्लआबो रिक्कट खालामदों। बिथाडा जिगयनाय नुनो मोन्दों। बे सावगारिखौ शेरार खालामना फावखुंगुरआ केषनआव लिस्टादों, आनि राजकुमारी, नॉनि बे स्पेसेल खाबुआव आं गोसो खांदोंदि, नॉनि बिफा जानानै आं बेसेबां गोजोन। बेनि उनाव फावखुंगुरआ लिस्टादों, नॉनि अन्नाया आनि जिउखौ औरैबायदि सोरां होयो, जायखौ आं फोरसायनो हाया। जोनोम साननि थाखाय गाहाम हामलायनाय त्रिशला दत्तआ आंहा नॉनि सायाव जेब्लाबो गोग्गानाय दड. फावखुंगुरनि बे पस्टनि सायाव बाथडे बिथाडा रंसारि जादोंमोन।

तामिलनाडुनि दर 13 जिल्लाफोराव गोबां अखा हागोननि एलार्ट फोसावदों

गोदान दिल्ली, 10 आगस्ट:- हादरनि माखासे राइज्योफोराव 9 आगस्टआव गोबां अखा हादों। बे अखा हानाया दिनै एबा 10 आगस्टआवबो हाबाय थगोन होन्ना सांग्रांथि होदों। बोथोर बिगियानअ दिल्ली-इउपि, तामिलनाडुजों लोगोसे माखासे राइज्योआव दिनै गोबां अखा हागोननि सांग्रांथि फोसावदों। मख'नो गोनांदि, माखासे राइज्योफोराव गोबां अखा हानायनि उनाव दैबाना लोमसावनाय बायदि थासांरि सोमजिदों। बोथोर बिगियाननि बादिब्ला, दिनै तामिलनाडु, केरल, बिहार, सोनाब झारखन्ड, सा आरो खोला-सान्जा हारियाणा, चन्डिगड आरो पान्जाब, फत्तराखन्ड, हिमाचल प्रदेश, जम्मु, सा राजस्तान, उत्तर प्रदेश, सा महाराष्ट्र, सोनाब बंग,



अरुनाचल प्रदेश, सा-सान्जा आसाम आरो मेघालयनि माखासे जायगाफोराव अखा खोरमनाय आरो सारअन्थायजों लोगोसे जुब-जुब अखा हानायनि समभावना दड। सुलुंनि बादिब्ला, दिनै दिल्ली-एनसिआरआव गोबां अखा हानो हागों। अदेबानि 11 आगस्टआवबो बोथोरआ बे बादिनो थानायनि समभावना दड। बे बादि अखा हानायनि तासांरिआ 15

आगस्टसिम थानो हागों। बेजों लोगोसेनो दिल्लीनि बिदुडवबो खामायनाय फैगोन। मेक्सिमम बिदुडा 32 निफ्राय 33 डिग्री सेल्सियसनि गेजेरव थगोनखौ हमादांथिदों। बोथोर बिगियानआ तामिलनाडुआव खोला-सोनाब मनसुनआ गोखे जानायनि जाहोनाव 12 जिल्लाफोराव गोबां अखा हागोननि सांग्रांथि होदों। बोथोर बिगियाननिफ्राय गोदानै

फोसावनाय सुलुंनि बादिब्ला, खोला-सोनाब मनसुन आरो सोनाबनिफ्राय बारबोनाय बारनि सोलायनायनि जाहोनाव तामिलनाडुआव गोबाव समसिम अखा हानो हागों। कयम्बटुर, रामनाथपुरम, थुथुकुडि, पुदुक्कट्ट, तन्जाबुर जिल्लाफोराव गोबां अखा हानो हागों। सुलुंनि बादिब्ला, हिमाचल प्रदेश, उत्तर प्रदेश, सा-सान्जा राजस्तान, हरियानानि माखासे जायगाफोराव गोबां अखा हानो हागों। सिक्किम, सा-सान्जा भारत, बिहार, झारखन्ड, सोनाब बंग, अडिशा, बिदर्भ, पान्जाब, सोनाब मध्य प्रदेश, सान्जा राजस्तान, कर्नाटक, लाक्षाद्वीप, आन्डामान आरो निकबर द्वीपजों लोगोसे खोला कर्नाटकआवबो गेसें अखा हानो हागों।

गोदान दिल्ली, 10 आगस्ट:- आमेरिकानि शर्ट सेलार कम्पानि हिन्डेनबार्ग रिसार्चआ भारतखौ लानानै आरोबाव मोनसे गिदित खौरां फोसावनायनि इसारा होदों। शनिबारखालि आमेरिकानि शर्ट सेलारआ एक्सआव मेनसे पस्टआव बुडोदि, भारतआव थाबैनो गिदिर जाथाइ जागोन। मख'नो गोनांदि, थानाय बोसोरनि 24 जानुवारीआव हिन्डेनबार्ग रिसार्चआ आडानी गुपनि सायाव गिदिर दाय जाबसिन्दों। बेयाव गुपनि फारसेनिफ्राय गेना खान्थि गोनां लेनदेन आरो शोयार बेसेनफोराव हेर-फेरजों लोगोसे माखासे दाय जाबसिन्दोंमोन। बे दाय जाबसिन्नायफोरनि उनाव आडानी गुपनि शोयारफोराव गोबां दावख्तायदोंमोन। आडानी गुपनि मार्केट केम्पआव 86 बिलियन



डलार दावख्तायनाय फेयो आरो बिसेरनि गुबुन हादतआरि फारिलाइयाव थानाय बन्डखौ गोबाडे फान्दोंमोन। आथिखालाव आडानी गुपआ बे दाय जाबसिन्नायफोरखौ गोरोनन्थि फोरमायना नेवसिगारदों। बेनि

गेजेरजों आडानी गुपआ सेबिनिफ्रायबो क्लिन सिट मोनबाय। मख'नो गोनांदि, हिन्डेनबार्ग एन्डरसनआ 2017 आव गायसन्दोंमोन। हिन्डेनबार्गआ बेनि सिगां लर्डसटाउन मटर कर्परेशन

(आमेरिका), कान्डी (चीन), निकला मटर कम्पानि (आमेरिका), क्लवर हेल्थ (आमेरिका) आरो टेक्नग्लास (कलम्बिया) नि हेथायैबो रिपर्ट फोसावनायनि नै दाननिखुइबो खम समनि सिगां एनवाइएसइआव फारिलाइ खालामनाय कम्पानि वेलेटावार इंकनि हेथायै रिपर्ट फोसावदोंमोन। हिन्डेनबार्गआ आडानी गुपनि हेथायै गेना खान्थिनि दाय जाबसिन्नाय मोन 100 रिपर्टफोर फोसावदोंमोन।

इरानआ इज्राइलनि सायाव जायखि जाया समावनो गागलोबनो हागों

तेहरान, 10 आगस्ट:- इरानआ इज्राइलनि सायाव जायखि जाया समावनो गागलोबनो हागों। इराननि साबसिन दैदेनगिरि अयादुल्ला आलि खामेनेइआ रैखाथि हान्जाफोरजों इज्राइलनि सायाव आबुं गोहोजों गागलोबनानै हामासनि गाहाइ इस्माइल हानियाखौ बुथासायनि खिथेर लानो बुडो। बे खौरांखौ इस्लामिक रिह्ल्युशनरि गार्डनि लेडइ गाहाइ आलि फदवीआ होदों। हानियाआ थानाय जुलाइ दानाव तेहरानआव मिसाइल गागलोबनायव थैदोंमोन। इरानआ बेनि थाखाय इज्राइलखौ दायनिगिरि हमादों। बेनि जाहोनाव साबसिन दैदेनगिरिआ खबु लानानै नायबिजिसो बुदों। बेनि गेजेरजों इराननि नेभिआ दावहाइ जाहाइ गाथोनफोराव थिसन्नाय गावसोरनि कुज मिसाइलफोरखौ दिन्थिदों। जोबोर गिख्थाव बे मिसाइलफोरखौ



रडारआ हामनो हाया। जिंगा सिथावना बाश्या बेनोदि, इरानआ सोनाब एसियाआव बयनिखुइ बांसिन मिसाइलफोर दिहुनग्रा हादतफोरनि गेजेरव दंफायो। बेनि गेजेरजों पाकिस्तानआ इज्राइलजों बांनय जेनानि गेजेरजों बिसोर इराननो मिसाइलफोर जगानाय होनो

होन्ना सावरायनायफोरखौ नेवसिगारदों। इज्राइलआ थानाय शुक्रबार बेलासियावबो खोला लेबानानआव गंसे कारनि सायाव उरां जाहाजजों गागलोबदों। इज्राइल सिमाननिफ्राय गासै 60 किल'मिटर गोजानाव थानाय लेबानाननि जाहाज गाथोन सहर

अल-हिल्वेहयाव खामानि मावयोमोन। बे गागलोबनायव बिनि बडिगाडआ गोब्राबे जोखोम जायो। इज्राइलनि सान्थिफोरा थानाय 10 दाननिफ्रायनो लेबानानआव हायास हेफाजाबगिरि लेबनाननि हाथियार लाग्रा हान्जाफोर सिमाना बारनाय सा इज्राइलआव रकेट, इन आरो तपजों गागलोबदोंमोन। मख'नो गोनांदि, थानाय जानुवारी दानाव बेरुतनि बाइजोआरि ओन्सोलाव इज्राइलनि गागलोबनायव हामासनि लेडइ गाहाइ सालेह अरैरीआ थैदोंमोन। थानाय सचाहायवनो बे ओन्सोलावनो गागलोबनायव हिजबुल्लाहनि सान्थियारि जौसिन थाखोन कामान्दु फुआड शुकरआ थैदोंमोन।

सिडनआव गागलोबनायव हामासनि रैखाथि बिबानगिरि समर अल-हजखौ बुथारो। समर अल-हजआ फिलिस्ताइनफोरनि थाखाय खाथिनि रिफुजि केम्प एन

वाशिंग्टन, 10 आगस्ट:- रासियानि हेथायै दावहायाव इउक्रेननि मददनि थाखाय आमेरिकाया बिसोरनो उफ्रायै 12.5 कौटि आमेरिकान डलारनि हाथियार दैथायहसरो थांखि लादों। हवाइट हाउसनि फारसेनिफ्राय बेनि खौरां होदों। हवाइट हाउसआ फोरमायनाय बादिब्ला, इउक्रेननो दैथाय हनय उफ्रा सान्थियारि हेफाजाबआव गोनांथि जानाय अख्रामा रैखाथि नेमखाथिफोर, टैक होबथाग्रा हाथियार आरो सुथुरनि फारसेनिफ्राय गावहसनाय गुलिफोरखौ मिथिहोरा, बिसोरखौ सिलिंखार खालामनायव मदद खालामग्रा राडारआ दंफायो। माहारियारि रैखाथि बुथिगिरि जन किर्बीआ बुदोंदि, रासियानि हेथायै नायबिजिसो थाखाय इउक्रेनआ आमेरिकानि फारसें होनाय हाथियारफोरखौ बाइडेन खुंथायनि नेमखान्थि बादिदै बाहायगासिनो



दड। बाइडेन खुंथाया इउक्रेननो सिमना ओन्सोलफोराव रासियानि हेथायै नायबिजिसोनायव बे हाथियारफोरखौ बाहायनो गनायथि होदों। नाथाय हादरनि सिं बाहागोफोराव थानाय थांखिफोरखौ बे हाथियारजों नोजोर होनो हाया। आमेरिकाया इउक्रेननि थाखाय उफ्रा सान्थियारि हेफाजाब होनायखौ एरेबादि समाव फोसावो, जेव्ला

कीयेभआ 2022 नि पेबुवारि दानआव दावहा जागायनायनि उननिफ्राय रासियानि हायाव गावसोरनि दासिमनि बयनिखुइ देरसिन गागलोबदों। इउक्रेनआ रासियानि कुस्क ओन्सोलाव गागलोबो, जायनि जाहोनाव मस्क'आ इमार्जेन्सि फोसावनाडो। रासियाआ कुस्क आव उफ्रा सान्थि एरेबादि समाव फोसावो, जेव्ला

एडमिरेल दिनेश त्रिपाठिआ अग्निवीर यजनाखौ बारख्नायदों



चिल्कनिफ्राय ब्रैथि बेचखौ पास आउट जानाय नुबाय। बे बिथांखिया गाहामे सोलिगासिनो दड। बे बेचआव गासै सा 1,429 अग्निवीरफोर दड, जायफोरनि गेजेरव गासै सा 300 आइजोफोर दड। आं बिसोरनिनाय गोबां मिजिफोर नुनो मोन्दों। मानोना बिसोरो गोबां थुलुंगानाय आरो गोसो गुदुंजों भारतआरि नेभिआव आबुडे बाहागो लादों। अग्निवीर यजनाखौ लानानै बेरेखा दोलोआ जेव्लाबो लाइमोनफोरा बे बिथांखिजों गोजोनाखे होन्ना दाय जाबसिनबाय थारदों। कंग्रेसजों लोगोसे गुबुन गुबुन पाटिफोरबो लाइमोनफोर बे बिथांखियाव बाहागो लानो लुबैयाखे होन्ना दाय जाबसिन्दों। फारसेथि एडमिरेलआ लाइमोनफोरा बे बिथांखियाव बाहागो लागसिनो दड होन्ना बुदों।

रैखाथि हाबाफारिनि उनाव भायनाडआव भारतयारि सान्थि जवानफोरखौ बिदाइ होबाय



गोदान दिल्ली, 10 आगस्ट:- भायनाडआव 10 साननिफ्राय सोलिबाय थानाय रेस्क्यु अपरेसनआ दिने जौबना थांबाय। सान्थिनि साहस, हिम्मत आरो बोलोखौ नुनानै बेयावनि जायगानि सुबुंफोरा आखाइ खबनानै बिसोरनो साबायखर बाउयो। बेजों लोगोसे तागिबिफोर भारतयारि सान्थि जवानफोरखौ बिदाइ होयो। सुलुंनि बादिब्ला, 31 जुलाइआव सोमजिनया दुखु नंथाव जाथायव सा 400 निबो बांसिन सुबुंफोरनि जिउ गोमादोंमोन। गिख्थाव हा गिसिखानायनि गेजेरजों भारतयारि

सान्थिआ रैखा खालामनाय हाबाफारिआव जोबोद मख'जाथाव बिबानगिरि (पिआरए) नि गेजेरजों पस्ट खालामनाय मोनसे भिडिआव सान्थिफोरखौ बिसोरनि थानाय न'निफ्राय बाइजोआव ओंखारनाय समाव जायगानि सुबुंफोरनि फारसेनिफ्राय आखाइ खबनानै गाजा-गोमजायै बरयनाय नुनो मोन्दों। सान्थिनि 122 थि इन्फेन्ट्रि वेटेलियननि सान्थिफोरखौ माउन्ट टेवर स्कुलनि फोरगिरिफोर आरो मावसुमाफोरनि गेजेरजोंबो मान बाउदों। सुलुडव फोरमायनाय

बादिब्ला, बेयावनो रैखा खालामग्रा दोलोफोर थारदोंमोन। बे भिडिअजों लोगोसे कचि रैखाथि सुबुं फोनांजाब बिफाननि बिबानगिरिआ टुड्ट खालामोदि, जों गावसोरनि जोहोलाव सान्थिफोरनि फारसें जोबोद अन्सायो, जायफोरा हा गिसिखानायव रैखा खालामनाय हाबाफारिनि समाव गावसोरनि जिउखौ बाउसोमदोंमोन। नौंथांमोननि साइस आरो जिउ बाउनायखौ माव्जाबोबो बावनो हाया। सान्थिफोरनि साहसखौ नुनानै जायगानि सुबुंफोर भारत माता की जय आरो भारतीय सेना की जयनि स्लगानो होयो। भायनाड जिल्ला खुंथाया रैखा खालामनाय आरो नागिरनाय हाबाफारिआव बाहागो लानाय सान्थिनि जवानफोरनि ताखाय बिदाइ लानाय जथुम्माबो खुडो। कर्नेल परमभोर सिंह नागरआ बेथो जायगानि सुबुंफोर आरो खुंथायनि हेफाजाबजों मेजर जेनेरेल मेथ्युनि दैदेन्नायाव खालामनाय मोनसे जुथाय हाबाफारिमोन होन्ना नै फोरमायो।

मांकिपक्सआ हुनि जिंगाखौ बांहोदों



गोदान दिल्ली, 10 आगस्ट:- आफ्रिकानि कांग, केन्या, रवान्डा आरो इगान्डाजों लोगोसे दर 10 हादतफोराव दासान्दि मांकिपक्स भायरसनि दोहोखौ नुनो मोनगासिनो दड। एमपक्सनि केसफोराव जिंगा सिथावनाया बांनयखौ नोजोर होनानै हुआ इमार्जेन्सि जथुमा लिंदों। फसंथानआ बे भायरसखौ गासै आफ्रिकानि हादतफोर आरो मुलुगनि गुबुन हादतफोरबो गोसारो हागों। सुलुंनि बायदिब्ला, कांगयाव थानाय बोसोरनि सेप्टेम्बर दाननिफ्रायनो मांकिपक्सनि केसफोराव बांनयखौ नुनो मोनगासिनो दड। बेनि जाहोनाव कांगनि न'मुसे हादतफोराव गोदान स्ट्रेनो मोन्दों, जाय हुनि जिंगाखौ बांहोदों। जैरेबादिदै बे भायरसआ आफ्रिकानि हादतफोराव गोसारगासिनो दड; बेबादिदैने भारतआवबो सुबुंफोरनि जिंगाफोरखौ बांहोगासिनो दड। बेबादिनो बे भायरसनि सोमोन्दै मिबंथिना लानाया गोनां। एमपक्सआ मांकिपक्स भायरसनि जाहोनाव जायो। बेयो मोनसे बारदेखा बेमार, जाय इन्फेक्सन जानाय सुबुं आरो जुनातजों सोमोन्दै लाखिनायजों जायो। बेयो अर्थपक्स भायरस नख'निफ्राय। बेयाव भेरियला बायरसआबो दंफायो। मांकिपक्स जानायव बेनि लोक्षोनफोराव लोमजानाय, खर'सानाय, मोदोम सानाय आरो मोदोम बुखानायफोर जायो। बेनि लोक्षोनआ सरासनस्यै 2-4 सप्ताहसिम थयो। बेनिखायनो इन्फेक्सन जानाय जुनातफोर जर'खायै बेमारि एबा थैनाय जुनातफोरनि सोमोन्दैयाव फेनायनिफ्राय जानगाराव थानांगो। बेर फारसे इन्फेक्सन जानाय सुबुंफोरनिफ्रायबो जानगाराव थानांगो। भायरसजों इन्फेक्सन जानाय सुबुंफोरखौ जोथोन लानाय समाव पिपिड बाहायनांगो।

सानैबो दैदेनगिरिखौ बिसायख'थियाव गोखों बादायलायगोन होन्ना गनायनाय जादों। मख'नो गोनांदि, थानाय दानआव मोनसे रेलिनि समाव डनाल्ड ट्राम्पनि सायाव गोखों गागलोबनाय जादोंमोन। बिथाड पेन्सिलभेनियाआव मोनसे रेलिआव बिबुथि होबाय थानाय समावनो दुथां गागलोबगया ट्राम्पनि सायाव गोबां खेब गुलि गावयो। नाथाय ट्राम्पआ गुलि नौजाना जोखोम जादोंब्लाबो जिउ रैखा मोनो।

बांग्लादेशनि रोजा-रोजा हिन्दुफोरा भारतआव फैनो आर'ज गाबगासिनो दड

गोदान दिल्ली, 10 आगस्ट:- बांग्लादेशआव गोदान सरकार दाबाय। नाथाय बेयाव हिंसायारि जाथाइया दासिमबो सोलिगासिनो दड। बेयाव धर्ना होग्राफोर बाहाइ सुबुं सानखोन फोलेरफोरखौ नोजोर होगासिनो दड। बांग्लादेशनिफ्राय माखासे हिन्दु नख'रफोरा गावसोरनि न' नागरना भारतआव फैनो लुबैदों। रोजा-रोजा अर्नजिमानि हिन्दु फोलेरनि सुबुंफोरा आथिखालाव भारत बांग्लादेश सिमानायव दंफेयो। सोनाब बंगनि कचबिहारनि सितालकुचियाव गासै सा 1000 बांग्लादेशीफोर दै सेरव गसंनानै भारतआव हाबहोनो थाखाय बिएसएफनिनाय गनायार्थि बिगासिनो दड। बेर फारसे सिमना रैखाथिखौ लानानै बिएसएफआबो एलार्ट जादों दै सेरव थानानै बिसोर



'जय श्री राम' आरो 'भारत माता की जय' नि स्ल'गान होगासिनो दडमोन। बिएसएफ मावसुमाफोर बे सुबुंफोरखौ मिसनानि जिउ पइन्टनिफ्राय 150 गजनि जान्थाइयाव सिमना बारनो होवथाना लाखिदों। बिएसएफ जवानफोरनि गोबां खेब आरज गावसेयावबो गावसोरनि न'आव थांफिन्तो थाखाय थियारि

जायखेमोन। सोनाब बंगनि सा 24 परगनानि पेद्रालयाव थानाय माखासे सानफोरनिफ्रायनो बांग्लादेशनिफ्राय सुबुंफोर फेनाया सोलिगासिनो दड। सुलुंनि बायदिब्ला, सिमानायव नोजोर लाखिनो थाखाय सरकाआ मोनसे कमिटि दादों। सिमना रैखाथि हान्जानि सान्जा कामाननि एडिजिखौ बे कमिटिनि

डनाल्ड ट्राम्पनि उरां जाहाजखौ इमार्जेन्सि लेन्डिं खालामनादों

मन्थाना, 10 आगस्ट : आमेरिकानि बार' हादतगिरि डनाल्ड ट्राम्पनि उरां जाहाजआव शनिबारखालि टेक्नीकेलि जेना नुजाथियो, जायनि जाहोनाव उरां जाहाजखौ इमार्जेन्सि लेन्डिं खालामनाडो। रिपब्लिकान पार्टीनि बिजाथि डनाल्ड ट्राम्पआ गले गले रैखाथि मोनो। बिथाड मोनसे रेलियाव बाहागो लानो थाखाय मन्थाना फारसे थांबाय थानाय समावनो उरां जाहाजआव टेक्नीकेल जेना नुजाथियो। उरां गाथोननि टेक्नीकेल



मावफारियाफोरनि बायदिब्ला ट्राम्पनि उरां जाहाजआव टेक्नीकेल जेना नुजाथिनयनि उनाव उरां

जाहाजखौ रकी हाजोनि गुबुन फारसेथि थानाय गंसे उरां गाथोनाव बागलायहोनाय जायो। बिलिस

लगान इन्टरेसेनेल एयारपर्टनि बिबानगिरि जेनि मकलआ फोरमायदोंदि, ट्राम्पआ गाखोनानि थानाय उरां जाहाजआ मन्थानानि बजमेनआव थानो थारदोंमोन। बिथाड गावनि प्राइभेट जेटजों गाखोलांदोंमोन। मख'जाथावदि, आमेरिकायाव सोलिफु बोसोरनि फैगो 5 नभेम्बरआव हादतगिरि बिसायख'थि खुंनाय जागोन। बिसायख'थियाव रिपब्लिकान पार्टीनिफ्राय डनाल्ड ट्राम्प आरो डेमक्रेटिक पार्टीनिफ्राय कमला हेरिसआ मोगा-मोगि बादायगोन।

सानैबो दैदेनगिरिखौ बिसायख'थियाव गोखों बादायलायगोन होन्ना गनायनाय जादों। मख'नो गोनांदि, थानाय दानआव मोनसे रेलिनि समाव डनाल्ड ट्राम्पनि सायाव गोखों गागलोबनाय जादोंमोन। बिथाड पेन्सिलभेनियाआव मोनसे रेलिआव बिबुथि होबाय थानाय समावनो दुथां गागलोबगया ट्राम्पनि सायाव गोबां खेब गुलि गावयो। नाथाय ट्राम्पआ गुलि नौजाना जोखोम जादोंब्लाबो जिउ रैखा मोनो।



স্বত্বমেব জপন
আসাম সরকার

আসাম সরকার



দৈ বানানি মদত হোনাযখৌ গোখ্ৰে আরো মোজাঙৈ রানফুনায রাহাযাব ফোসাবনায

- মিথিংগাযাৰি অলখদ (দৈ বানা, হাভ্ৰাং খুৰখানায, বাঁগ্ৰি, বাৰহুংখা, সাৰঅন্থাঙৈ গাবনায, হা গিসিখানায, অৰ খামনায) বাযদিদি জাউনাব সোমজিনায খহাফোৰখৌ গোখ্ৰে নাযসনৌ থাখায় সাৰ্কেল বিবানগিৰি খোলোবআব মোনসে টাক্স ফৰ্স দাফুনায জাদৌ, জেৰাব মিথিংগাযাৰি অলখদ সোমজিনাযনি 15 সাননি গেজেৰবনৌ ফিন:ফৰ্সথাফিনাযনি থাখি বানায়নানৈ জিল্লা আয়ুক্তনৌ দৈশায়হরনৌ হায়ৌ।
- রাইজৌ-রাজানি অন্সায়নায খুঁথায়ি ফোসাবনাযনি ফাৰ্সে নোজৌ লাখিনানৈ জিল্লা আয়ুক্তফোৰখৌ রাইজ্যোআৰি অলখদ সামলায থুবিল (SDRF) নি নেম বাদিযে বেসেন নাঙৈ আদাৰ মদত, ফিন:ফৰ্সথাফিনাযনি অন্সুঁথায়, আবাদ, জুনাত ফিসিনায, আৰুআই আৰিসু আরো আৰুআই ইসানজৌ সোমোন্দৌ থানায খহাফোৰনি থাখায় অন্সুঁথায়, নখ'ৰে, গুদি ফরায়সালি, গুদি দেহা মিরু, অংনবাদি মিরু, মোব্লিব খুঁথিয়া আরো তার বাযদিদি খহাফোৰখৌ ফাহামফিনাযনি থাখায় রাং গনায়থিনায আরো রান্নায়নি রাংখান্থিয়াৰি গোহৌ গথায়নায জাদৌ।
- জিল্লা আয়ুক্তআ মিথিংগাযাৰি অলখদ সোমজিনায সাননিফ্রায় 30 সাননি গেজেৰব বে রেখোম অন্সুঁথায় গনায়থিনায আরো রান্নায়খৌ মাবফুংগৌ।
- বেনি অনগায়ৈবো রাইজ্যোআৰি অলখদ মদত থুবিলনি দখনাব সোসনজায়ৈ জায়খি জায়া মদত রানফুনাযনি থাখায়বো গিবি মন্থিনি মদত থুবিলনিফ্রায় জিল্লা আয়ুক্তফোৰনৌ 10 লাখ রাংনি গিবি থুবিল গথায়নাযনি রাহা লানায জাদৌ।



দৈ বানাযাব খহা জানাংনায মুলামফাযাৰিনি হেফাজাবনি থাখায় সরকারি নেম বাদিযে গথায়নায বাযদিসিনা রাহা-খাবুফোৰ:

দৈ বানানি হেফাজাবখৌ গোখ্ৰে আরো মোজাঙৈ রান্নায় বিথিডাব খুঁথায়নি বিবান

ফা. নং.	মুবা-বেসাদ	মদতনি বিবাং
1	মাইর	গিদির: সুবুঁফোৰ সানফ্রোমবো 600 গ্রাম উন্দৈফোৰ (12 বোসোৰনি গাহাযাব): সানফ্রোমবো 400 গ্রাম।
	দালি	সানফ্রোম সুবুঁড 100 গ্রাম সানফ্রোমবো।
	সংখি	সানফ্রোম সুবুঁড 30 গ্রাম সানফ্রোমবো।
	থাব	সানফ্রোম সুবুঁড 30 মিলিলিটর সানফ্রোমবো।
2	চিৰ	গিদিরফোৰ 600 গ্রাম আরো উন্দৈফোৰ (12 বোসোৰনি গাহাযাব) 400 গ্রাম সানফ্রোমবো।
	গুড়	100 গ্রাম সানফ্রোমবো।
	সেনিটেরি নেপকিন	পেকেট মোনৈযে সানফ্রোমবো বেসৌ গৌর হিন্জাবসা আরো আইজোফোৰনি থাখায়।
3	গথ'ফোৰনি আদাৰ	বোসৌ 2 বেসৌনি সানফ্রোমবো গথ'ফোৰনি থাখায়।
	নোগৌ ভাট্টা (রাহা বাদাযাব থায়ৈ সুবুঁফোৰনি থাখায়)	(জি-আৰ) রাহানি সিডাব সানফ্রোমবো এমপ্নেয়ানি গুৰে হাৰ বাদিযে বানানি খহা জানাংনায নখ'ৰনি সান বেসৌ গৌর সোদ্রোমাফোৰনৌ মদত গথায়নায জায়ৌ।
4	সি-জোমনি থাখায় দৌ-দোখোল/নখ'ৰি বেসাদনি থাখায় (জায়হা ন' খুৰখালাংজাদৌ/ গাসৌবৌ সিলিখাৰ জাদৌ/সানৈনি বাঁসিন সমনি থাখায় দৈআব গোদোনানৈ থাদৌ)	নখ'ৰফোৰ সানফ্রোমবো 2,500 রাং
5	ফিসিনায জুনাতনি থাখায় জুনাত আদাৰ	মৈসৌ:5 কি:গ্ৰা:, মোসৌ:4 কি:গ্ৰা:, বোরমা মেন্দা:1 কি:গ্ৰা:, বোরমা:1 কি:গ্ৰা:, গরায়:5 কি:গ্ৰা: সানফ্রোমবো। গিদির জুনাতনি থাখায় 80 রাং সানফ্রোমবো।
6	জুনাত বাদাযাব থানায জুনাতনি আদাৰনি থাখায়	ফিসা জাথৌনি জুনাত: 45 রাং সানফ্রোমবো গিদির জাথৌনি জুনাত: 80 রাং সানফ্রোমবো।
7	থৈনায সুবুঁনি খাথি সোমোন্দৌনি থাখায় অন্সুঁথায়	4 লাখ রাং
8	আবুঁ/গাঞ্জিযে খহা জানায ন'ফোৰনি ফাহামনাযনি থাখায় মদত	হায়েন আনসৌলাব গংফ্রোম ন'নি থাখায় 1,20,000 রাং হাজৌ আনসৌলাব গংফ্রোম ন'নি থাখায় 1,30,000 রাং।
9	খাবসেল' খহা জানায ন'/গালগাব ন'নি থাখায় মদত	ক) গাহায়থারৈ 15% খহা জানায পাককা ন' (খোবনায ন'নি অনগায়ৈ) খ) গাহায়থারৈ 15% খহা জানায হানি ন' (খোবনায ন'নি অনগায়ৈ) গ) আবুঁ খহা জানায/জোবসানায খোবনায ন' ঘ) ন'জৌ নাংজাবনায গলি ন'
10	হা (2 হেক্টরসিম) আরো গুবুন গুবুন খহা জানাযনি থাখায় আবাদআৰিনৌ মদত	ক) আবাদ হানিফ্রায় বালী খোবনাযখৌ বোখানায খ) হাজৌ আনসৌলাব আবাদথিলিফ্রায় বাযখোন্দা মুবা (বালী, হাভু বাযদি) বোখানায গ) না ফুখিফোৰখৌ বোখাফিনায/ফোসাবনাযনি থাখায়
		মোনফ্রোম হেক্টরনি থাখায় 18,000 রাং
		গুৰৈ হানি বিগোমনি থাখায় মোনফ্রোম হেক্টরআব 47,000 রাং (ফিসা আরো গেজৌ খোলোবনি আবাদআৰি)
		মোনফ্রোম হেক্টরআব 8,500 রাং (অখাজৌ সোনাখা আবাদনি থাখায় (খহা জানায বিবাড 33% নি বাঁসিন জায়োব্লা)
		মোনফ্রোম হেক্টরআব 17,000 রাং (দৈ সান্নায় খাবু গোনাঁ আনসৌলাব)

11	বোসৌগিৰি ফসল খহা জানাযনি রেচমনি থাখায় (খহানি বিবাড 33% নি বাঁসিন জায়োব্লা)	মোনফ্রোম হেক্টরআব 6,000 রাং (এৰি, মালবেৰি, তুচাৰ) মোনফ্রোম হেক্টরআব 7,500 রাং (মুগা)
12	ফসলনি খহানি বিবাড 33% নি বাঁসিন জায়োব্লা, অব্লা 2 হেক্টরনি বাঁসিন হা থানায নখ'ৰনৌ আবাদ অন্সুঁথায় (input subsidy)	অখাজৌ সোনাখা আনসৌলাব মোনফ্রোম হেক্টরআব 8,500 রাং দৈ সান্নায় মোনগ্ৰা আনসৌলাব মোনফ্রোম হেক্টরআব 17,000 রাং অরায়থা ফসলনি থাখায় মোনফ্রোম হেক্টরআব 22,500 রাং
13	জুনাত ধোন খহানি থাখায় মদত (আবাদআৰিফোৰনি থাখায়)	গাঃখৈ হোগ্ৰা জুনাতনি থাখায় 37,500 রাং (মৈসৌ, মোসৌ, উত, যাক, মেথন বাযদি) 4,000 রাং (বোরমা মেন্দা, বোরমা, অমা)
14	রোগাথায় বিথিডাব বাহাযনায জুনাতনি থাখায়	32,000 রাং (উত, গরায়, মোসৌ বলদ, 20,000 রাং) (ফিসা জুনাত, গাধা, ফিসা গরায়, খচচর)
15	আৰুআই শিল্প/আৰুআই ইসাননি থাখায় সি দাগাফোৰনৌ মদত	সানফ্রোমবোনি থাখায় 5,000 রাং
16	খহা জানায আইজৌ-আইলানি থাখায়	গোথৌ মুবা/বানাযফুনায হালৌদআব থানায মুবা/আবুঁ জায়ৈ মুবা গোমানায়নি
17	ফিসা গুদি বিথা খহা জানাযনি মদত	খহা জানায গুদি ফরায়সালি ন' 2 লাখ রাংসিম
18	গুদি দেহা মিরু	2 লাখ রাংসিম
19	অংনবাদি মিরু/ পন্সায়ত ন'/কমিউনিটি হল	মোনফ্রোম ইউনিটআব 2.5 লাখ রাংসিম
20	মোব্লিব খুঁথিয়া আরো তার	গংফ্রোম খুঁথিয়াআব 5,000 রাং তারনি থাখায় কি:মি: মোনফ্রোমআব 50,000 রাং ট্রেসফৰ্মাৰ-মোনফ্রোম ইউনিটআব 1 লাখ রাং

জায়খি-জায়া গোখ্ৰে খৌরাং/মদতনি

থাখায় জগাজগ খালাম:

রাইজ্যোআৰি সামলায মিরু

0361-2237219/94010/44617

1070/1079/112 (টল ফ্রী)

জিল্লা সামলায মিরু: 1077 (টল ফ্রী)

আসাম রাইজ্যোআৰি অলখদ সামলায দখনজৌ রাইজৌ-রাজাফোৰ মিথথিনাযনি থাখায় ফোসাবনায

ASDMA Email: seoc.asdma@assam.gov.in | Website: asdma.assam.gov.in

Facebook: sdmaassam | Twitter: sdma_assam | Instagram: sdmaassam